

DS  
735  
A2Y86  
1771a  
V. 4

University of Toronto  
Library  
c 425/62  
ASIAN COLLECTION







御批歷代通鑑輯覽卷之五

周

襄王

己卯十年春正月宋公曹伯衛人邾人伐齊夏五月宋師及

齊師戰于虧齊地在今山東濟南府歷城縣齊師敗績

宋公以諸侯伐齊納子昭齊人殺無虧將立子昭不勝

四公子之徒遂與宋人戰宋敗齊師于虧立子昭是為孝公

而還史記齊桓公子十有餘人其立者五人無詭立三月死次孝公昭次昭公潘次懿公商人次惠公元

鄭伯朝于楚此鄭朝楚之始

楚子賜之金既而悔之與之盟曰無以鑄兵故以鑄三

鐘

楚賜鄭金而以無鑄兵為  
盟事甚迂誕天下產金之  
地獨一楚乎無怪乎秦始



皇祖其術而欲盡收兵  
權也左氏浮誇于此類可  
見一斑

庚辰十有一年夏六月宋公曹人邾人盟于曹南曹之南鄙宋襄公始

圖鄆子會盟于邾邾人執而用之

宋人執滕子嬰齊宣公使邾人用鄆子于次睢之社後漢

書郡國志琅邪國臨沂有叢亭注縣東有大叢社民謂之食人社即次睢之社臨沂今山東沂州府蘭山縣

欲以屬東夷司馬子魚曰古者六畜爾雅釋畜馬牛羊犬豕雞謂之六畜

不相為用小事不用大牲而况敢用人乎祭祀以為人

也民神之主也用人其誰享之齊桓存三亡國魯衛邢以

屬諸侯義士猶曰薄德今一會而虐二國之君又用諸

淫昏之鬼將以求霸不亦難乎秋宋人圍曹討不服也

曹南之盟曹不修地主之禮

冬陳人魯人蔡人楚人鄭人盟于齊比始與齊盟



陳侯請修好于諸侯。以無忘齊桓公之德。盟于齊。修桓

公之好也。

梁亡。梁。注見前。公羊傳。梁亡何。梁自亡也。其自亡奈何。魚爛而亡也。何休曰。著其自亡。狀若魚爛。

梁君立法。一家犯罪。四家坐之。一國之中。無不被刑者。

百姓一旦相率俱去。梁遂亡。左傳。梁伯。亟城而不處。民

乃溝公宮。曰。秦將襲我。民懼而潰。秦遂取梁。與公羊傳異。今並存之。

壬午。十有三年。春。宋人。齊人。楚人。盟于鹿上。左傳注。鹿上。汝

鹿廢縣。在今江南。潁州府。阜陽縣南。

宋公欲合諸侯。魯臧孫辰諡文仲。哀伯孫。聞之曰。以欲從人。則

可。以人從欲。鮮濟。于是宋人爲鹿上之盟。以求諸侯于

楚。楚人許之。子魚曰。小國爭盟。禍也。宋其亡乎。幸而後



敗。

秋。宋公楚子陳侯蔡侯。

哀侯孫莊公甲午。

鄭伯許男曹伯會于孟。

今河南歸德府睢州孟亭是。

執宋公以伐宋。

趙氏匡曰。此楚執耳。其以諸侯執之之辭何。譏諸侯也。

冬。十有二月。諸侯盟于薄。

即薄縣故城。注見前。

釋宋公。

諸侯會于孟。子魚曰。禍其在此乎。君欲已甚。其何以堪。

之。于是楚執宋公以伐宋。冬。會于薄以釋之。

公羊傳。宋公與楚子。

期。以乘車之會。公子目夷曰。楚強而無義。請君以兵車之會往。公曰。吾與之約。自我為之。自我墮之。不可。終以乘車之會往。楚人果伏兵車。執宋公以伐宋。宋公謂目夷曰。子歸守國矣。國子之國也。曰夷于是歸設守城。楚人謂宋人曰。不與我國。吾將殺子君。宋人曰。賴社稷之靈。國已有君矣。楚人知雖殺宋公。猶不得宋國。于是釋宋公。公走之衛。目夷復曰。國為君守之。君曷為不入。逆公歸。

癸未。

十有四年。秋。秦晉遷陸渾之戎于伊川。

允姓之戎。居于瓜州。陸渾其別。



部也在秦晉西北。二國誘而徙之伊川。其後遂從戎號為陸渾縣。今陸渾故城在河南河南府嵩縣。其西有伏流坂。為伊水伏流處。即伊川也。

初平王之東遷也。辛有

虞董父之裔。其後為董氏。

適伊川見被髮而

祭于野者。曰。不及百年。此其戎乎。其禮先亡矣。是年秋。

秦晉遷陸渾之戎于伊川。

冬。十有一月。宋公及楚人戰于泓。

水名。在今河南歸德府柘城縣。渙水支流。

宋

師敗績。

鄭伯如楚。宋公伐鄭。楚人伐宋以救鄭。宋公及楚人戰

于泓。宋人既成列。楚人未既濟。司馬子魚請擊之。公曰。

不可。既濟而未成列。又以告。公曰。未可。既陳而後擊之。

宋師敗績。公傷股。門官殲焉。

門官。守門者。師行則在君左右。

國人皆咎

愚而好自用者莫如宋襄  
其道古論今不值一噓宜  
乎子魚直斥之而彼尚不  
知羞也



公曰。君子不重傷。不禽二毛。古之為軍也。不以阻隘也。寡人雖亡國之餘。不鼓不成列。子魚曰。君未知戰。勅敵之人。隘而不列。天贊我也。阻而鼓之。不亦可乎。且今之勅者。皆吾敵也。雖及胡者。獲則取之。何有于二毛。明恥教戰。求殺敵也。傷未及死。如何勿重。三軍以利用也。金鼓以聲氣也。利而用之。阻隘可也。聲盛致志。鼓儼未陳可也。明年夏五月。宋公卒。子王臣立。是為成公。

乙酉 十有六年春二月。晉公子重耳入于晉。

初。重耳奔狄。從者狐偃。趙衰。鳳之弟。顛頡。魏犢。畢萬孫。晉封萬于魏。

因以。胥臣。字白季。即司空季子。處狄十二年。狐偃曰。蓄力一紀。可

以遠矣。齊侯長。謂年已老。管仲沒。必求善以終。求得賢佐。以終霸業。茲

重耳周流列國。賴五人者。為之先後奔走。已不過牟利酒色之徒而已。獨其對楚子數語。為有英氣耳。假令齊姜阻從者之謀。楚成



驪子玉之請。苟能卒反晉國。其亦危矣。

可以親乃行。

左傳。狄人伐。患咎如。獲其二女。叔隗。季隗。納諸公子。公子取季隗。以叔隗妻趙衰。將

適齊。謂季隗曰。待我二十五年。不來而後嫁。季隗曰。我二十五年矣。又如是而嫁。則就木焉。請待子。

赤狄別種。隗姓。過衛。衛文公不禮焉。出于五鹿。今直隸大名府有五鹿城二。一

在元城縣。即沙鹿城。一在開州。即晉文公乞食處。乞食于野人。與之塊。重耳怒。

狐偃曰。天賜也。民以土服。必獲此土。受而載之。及齊。齊

桓公妻之。重耳安焉。桓公卒。從者謀去齊。姜氏知之。趣

重耳行。國語。從者謀于桑下。蠶妾在焉。告姜氏。姜氏殺之。而言于公子曰。從者將以子行。其聞之者。吾

已除之矣。重耳曰。吾不動矣。姜氏曰。西方之。重耳不可。書曰。懷與安。實疚大事。時不可失。子必速行。重耳不可。

姜與狐偃謀。醉而遣之。過曹。國語。曹共公聞其駢脅。謀其將浴。薄而觀之。僖負羈

之妻。謂負羈曰。晉公子賢人。其從者皆國相。必得晉國。得晉國而討無禮。曹其首誅也。子盍早自貳焉。負羈餽

盤飧。寘璧焉。公及宋。左傳。宋襄公贈之以馬二十乘。及鄭。史記。重耳過鄭。鄭文公弗



禮。叔詹諫。文公曰。諸侯亡公子。過此者眾。安可盡禮。遂

如楚。楚子饗之。國語。楚成王以周禮享之。九獻庭實旅百。曰。公子若反晉國。

則何以報不穀。對曰。子女玉帛。則君有之。羽毛齒革。則

君地生焉。其何以報君。若以君之靈。得反晉國。晉楚治

兵。遇于中原。其辟君三舍。若不獲命。其左執鞭弭。右屬

橐鞬。以與君周旋。子玉即成得臣請殺之。楚子不許。左傳。

楚子曰。晉公子廣而儉。文而有禮。其從者肅而寬。忠而能力。天將興之。誰能廢之。居數月。晉子

圉自秦亡歸。秦伯召重耳于楚。楚子厚幣以送于秦。秦

伯納女五人焉。史記。子圉妻懷嬴與重耳不欲受。曰。及季曰。且受。以結秦歡而求人乃受。及

晉惠公卒。子圉嗣。是為懷公。史記。晉大夫欒卻等聞重耳在秦。皆陰來勸重耳反國。為內應。

于是秦伯納重耳。重耳即位。是為文公。左傳。重耳濟河。晉師軍于廬柳。秦伯使公



子繫如晉師。師退。軍于郕。狐偃及秦晉之大夫盟。重耳如晉師。入于曲沃。朝于武宮。盧柳城在今平陽府猗

氏縣。郕。注見前。使人殺懷公于高梁。注見前。懷公故臣呂武宮。晉武公廟。

甥卻芮將焚公宮。弑晉侯。寺人披以難告。左傳披請見公使辭之。以

蒲城之役。君命一宿。女即至。其後為惠公來求殺余。命女三宿。女中宿至。雖有君命。何其速也。夫祛猶在。女其

行乎。對曰。君命無二。除君之惡。惟力是視。蒲人狄人。余何有焉。今君即位。其無蒲狄乎。乃見之。晉侯潛

會秦伯于王城。注見前。公宮火。呂卻不獲公。乃如河上。秦

伯誘而殺之。晉侯逆夫人嬴氏以歸。左傳秦伯送衛于晉三千人。實紀綱

之僕。狄人亦歸季隗于晉。晉侯賞從亡者。介之推。史記作子推。不言祿。祿

亦弗及。推曰。獻公之子九人。惟君在矣。惠懷無親。外內

棄之。天未絕晉。必將有主。主晉祀者。非君而誰。天實置

之。而二三子以爲已力。不亦誣乎。遂與其母偕隱而死。



史記介子推從者憐之。乃懸書宮門曰。龍欲上天。五蛇爲輔。龍已升雲。四蛇各入其宇。一蛇獨怨。終不見處所。文公出。見其書曰。此介子推也。使人召之。則亡。遂求所在。聞其入綿上山中。于是文公環山而封之。以爲介推田。號曰介山。介山在今山西汾州府介休縣南。有縣上聚。

錫晉侯命。

王使大宰

王子虎文公。

及內史興。錫晉侯命。上卿逆于境。晉

侯郊勞。館諸宗廟。饋九牢。設庭燎。及期。命于武宮。設桑

主。

獻公之主。

布几筵。大宰涖之。晉侯端委以入。內史贊之三

命。而後卽冕服。旣畢。賓饗贈餞。如公命。侯伯之禮。而加

之以宴好。內史興歸。告王曰。晉不可不善也。其君必霸。

逆王命。敬奉禮義。成王命。順之道也。成禮義。德之則

也。則德以道諸侯。諸侯必歸焉。王其善之。



夏狄伐鄭

初鄭入滑

滑人叛鄭而服于衛故鄭入滑

滑人聽命師還又卽衛鄭公

子士

鄭文公子

洩堵俞彌

鄭大夫

帥師伐滑王使伯服游孫伯

二子周大夫

如鄭請滑鄭伯不聽王命而執二子王怒將以

狄伐鄭富辰

周大夫

諫曰不可人有言曰兄弟讒聞侮人

百里

兄弟雖以讒言相違猶禁禦他人侮已

鄭在天子兄弟也周之東遷

晉鄭是依子頹之亂又鄭之由定今以小忿棄之是以

小怨置大德也無乃不可乎王弗聽使頹叔桃子

二子周大夫

出狄師伐鄭取櫟王德狄人將以其女爲后富辰諫

曰報者倦矣施者未厭狄固貪惓王又啟之女德無極

婦怨無終狄必爲患王又弗聽



冬王出居于鄭

初富辰言于王請召王子帶于是帶自齊歸于京師及

是帶通于狄后隗氏王替廢也隗氏顏叔桃子曰我實

使狄狄其怨我遂奉帶以狄師攻王王御士將禦之王

曰先后其謂我何寧使諸侯圖之王遂出及坎飲周地在今

河南府鞏縣國人納之帶復以狄師寇王城大敗王師王出

適鄭居于汜鄭南汜也今河南許州襄城縣有汜城鄭文公築此以居襄王後遂謂之襄城因以

名帶以隗氏居于溫王使告難于諸侯簡師父告于晉左鄢父告于秦

鄭伯與孔將鉏石甲父侯宣多三人皆鄭大夫省視官具于汜

而後聽其私政

丙戌十有七年春正月衛侯燬滅邢公羊傳衛侯燬何



衛將伐邢。禮至。衛人。曰：「不得其守。」守國。國不可得也。我

請昆弟仕焉。乃往。得仕。及是，衛人伐邢。二禮從國子。邢。

卿巡城，掖以赴外，殺之。衛遂滅邢。衛侯尋卒。子鄭嗣。是。

公成。

夏四月，晉侯逆王入于王城，誅帶。

秦伯師于河上，將納王。狐偃言于晉侯曰：「求諸侯莫如

勤王。諸侯信之。且大義也。」繼文之業。謂文侯仇。而信宣于諸

侯。今為可矣。晉侯辭秦師而下。右師圍溫。帶在溫。左師逆

王。王入于王城，取帶于溫，殺之。晉侯朝王。王饗醴，命之

宥。請隧。闕地通路曰隧。王之葬禮。弗許。曰：「王章也。未有代德而有二

王，亦叔父之所惡也。」與之陽樊、溫、原。注俱見前。攢茅。今河南懷慶府。

襄王不許晉侯之請隧，是已然但知名器之不可假而不知先王土地之不可棄。彼時王綱陵夷，位若綴旒，徒存名器亦將安用之。



戰

修武縣有攢城之田。晉于是始啟南陽。今河南懷慶府春秋為晉南陽

地。在河南南陽。陽樊不服。圍之。倉葛人。呼曰。此誰非王之親姻。其俘之也。乃出其民。圍原。命三日之糧。原不降。

命去之。謀出曰。原將降矣。軍吏請待之。公曰。信國之寶

也。民之所庇也。得原失信。何以庇之。所亡滋多。退一舍

而原降。遷原伯于冀。趙衰為原大夫。狐溱為溫大夫。

丁亥十有八年。秋。楚人滅夔。楚同姓國。今湖北宜昌府歸州有夔子國。地名夔沱。

夔子不祀祝融。楚之遠祖。與鬻熊。祝融十世孫。楚成得臣。鬬宜申。

即司馬子西。帥師滅夔。以夔子歸。

戊子十有九年。冬。楚人陳侯。蔡侯。鄭伯。許男。圍宋。

宋以善子晉。畔楚。即晉。楚子及諸侯圍宋。宋公孫固。公



卷之五 周襄王



于襄牛。襄牛。衛地。今河南歸德府睢州之襄邑廢縣是。楚人救衛。晉遂入曹。令無

負羈之官。魏犢顛頡怒曰。勞之不圖。報于何有。執僖負

羈氏。公以魏犢才。舍之。殺顛頡。以狗于師。立舟之僑為

戎。執曹伯。以曹衛之田畀宋人。宋使門尹般如晉師告

則絕。告楚不許。我欲戰矣。齊秦未可。若之何。先軫曰。使

宋舍我而賂齊秦。藉之告楚。我執曹君。而分曹衛之田

以畀宋人。楚愛曹衛。必不許也。喜賂怒頑。能無戰乎。公從之。

夏四月。晉侯齊師宋師秦師及楚人戰于城濮。左傳注。衛

東曹州府濮州南有臨濮故城。即春秋城濮。楚師敗績。

楚子入居于申。使子玉去宋。曰。無從晉師。楚子曰。晉侯

矣。而果得晉國。天假之年。而除其害。天之所置。其可廢乎。子玉使伯棼伯棼。子越椒也。鬬

請戰。曰。非敢必有功也。願以間執讒慝之口。謂為賈言子

子玉剛愎自用。固有以取敗。然傳稱楚子怒少與之



師豈非惡其臣以及其羣  
而自償乃事乎吾知申息  
之者不怨子玉而怨楚子  
矣豈無是理乎紀載家尚  
藻而失真實者蓋不可  
指數讀書者所宜尚論  
諱時也

師。子玉使宛春告于晉曰。請復衛侯而封曹。臣亦釋宋  
之圍。狐偃曰。子玉無禮哉。君取一。臣取二。不可失矣。先  
軫曰。定人之謂禮。楚一言而定三國。我一言而亡之。我  
則無禮。何以戰乎。不如私許復曹衛以攜之。執宛春以  
怒楚。既戰而後圖之。乃拘宛春于衛。且私許復曹衛。曹  
衛告絕于楚。子玉怒。從晉師。晉師退三舍。狐偃曰。微楚  
之患不及此。退三舍避之。楚眾欲止。子玉不可。晉侯及諸侯之師。宋  
所以報也。楚眾欲止。子玉不可。晉侯及諸侯之師。宋  
齊國歸父。崔天。秦小子憖。崔天。齊丁公季子。  
之後。食采于崔。以邑為氏。小子憖。秦穆公子。次于城  
濮。楚師背鄩而舍。鄩。即陵險阻名。使鬬勃即子請戰。晉侯登有  
莘之墟。有莘。古國。伊尹耕  
于其野。注見前。以觀師。曰。少長有禮。其可用  
也。遂伐木以益其兵。陳于莘北。胥臣以下軍之佐當陳



蔡子玉以若敖之六卒

子玉宗人之兵六百人

將中軍曰今日必

無晉矣子西

闕宜申

將左子上將右胥臣蒙馬以虎皮先

犯陳蔡陳蔡奔楚右師潰狐毛設二旆而退之

若為將却變

枝使輿曳柴而偽遁

詐為衆走

楚師馳之先軫卻縠

史記作臻以

中軍公族橫擊之狐毛狐偃以上軍夾攻子西楚左師

潰楚師敗績子玉收其卒而止晉師三日館穀

館舍也食楚軍

穀三

而還子玉既敗楚子使謂之曰大夫若入其若申

息之老何及連穀

楚地在方城之外

而死

自殺晉侯聞之喜曰

莫余毒也已

朱子曰自齊桓公歿。楚侵列國。得晉文攔遏。如橫流泛濫。特作隄防。不然。列國為滄浸。必矣。惟是伐衛。以致楚

陰謀以取勝。故夫子稱譎而不正。

子稱譎而不正。



蔡印之會幸孔命齊侯而  
有天威咫尺之對踐土之  
會王子虎命晉侯而有奉  
揚不顯之辭雖所謂假之  
者然先王之禮尚存什一  
于千百此桓文之所以並  
稱乎

五月晉侯齊侯宋公魯侯蔡侯鄭伯衛子衛侯出奔弟叔武受盟故稱子  
子盟于踐土左傳注鄭地元和志鄭州滎澤縣踐土臺故王宮在縣西北臨汴水今滎澤縣屬河南開封府

晉侯至衡雍時鄭伯為楚師既敗而懼行成于晉晉侯及鄭伯盟于衡雍衡雍即垣雍城在河南懷慶府原武縣水經注晉文

公戰勝于楚周襄王勞之于此作王宮于踐土獻楚俘

于王駟介百乘徒兵千鄭伯傅王用平禮也用平王享禮

王享醴命晉侯宥王命尹氏周世卿及王子虎周卿內

史叔興父即內史興策命晉侯為侯伯賜之大輅金輅之服

戎輅戎車之服彤弓一彤矢百玁弓矢千秬鬯一卣虎

賁三百人曰王謂叔父敬服王命以綏四國糾逖王慝

晉侯三辭從命曰重耳敢再拜稽首奉揚天子之不顯



休命受策以出。出入三覲。王子虎盟諸侯于王庭。左傳

子虎臨盟。不同。故不曰皆獎王室。無相害也。陳侯如

書。王庭。踐土宮之庭。會。來不諸侯朝于王所。于是晉文

冬。晉侯。齊侯。宋公。魯侯。蔡侯。鄭伯。陳子。穆公款卒。共公朔

莒子。邾子。秦人。會于溫。

諸侯會于溫。討不服也。為討衛許。晉遂執

王狩于河陽。今河南懷慶府孟諸侯朝于王所。

晉侯召王。以諸侯見。且使王狩。史記。晉侯會諸侯于溫。

有畔者。乃使人言王狩于河陽。孔子讀史至文

公曰。諸侯無召王。王狩河陽者。春秋諱之也。

伊川程子曰。晉文公欲率諸侯以朝王。正也。懼其不能

故諱以行之。召王以就焉。人獨見其召王之非。而不見

其欲朝之本心。是以譎而揜其正也。



晉人執衛侯歸之于京師。

初衛侯聞楚師敗懼出奔楚遂適陳使元咺衛大夫奉叔

武衛侯弟以受盟或訴元咺于衛侯曰立叔武矣其子

角從公公殺之咺不廢命奉叔武以入守晉人復衛侯

衛侯先期入叔武將沐聞公至喜捉髮走出前驅公子

華射而殺之公知其無罪元咺出奔晉溫之會衛侯與

元咺訟衛侯不勝元咺歸于衛晉人執衛侯歸之于京

師請殺之王曰不可夫君臣無獄今元咺雖直不可聽

也君臣皆獄父子將獄是無上下也而叔父聽之一逆

矣又爲臣殺其君其安庸刑布刑而不庸再逆矣一合

諸侯而有再逆政余懼其無後也于是置諸深室甯俞



甯氏衛公族。以邑為職。納橐籥焉。橐。衣囊。籥。樂也。後晉使醫衍

氏。俞。莊子速之子。酖衛侯。甯俞貨醫。使薄其酖。不死。魯侯為之請。納玉于

王與晉侯。皆十穀。乃釋衛侯。事在二十二年。衛侯使周獻冶厘

殺元咺。及公子瑕。遂歸于衛。先是諸侯圍許。晉侯有疾。曹伯之豎侯獯。貨筮史。使

以曹為解。晉侯復曹伯。歸于曹。

庚寅二十有一年。夏六月。王子虎。魯侯。晉人。宋人。齊人。陳人。

蔡人。秦人。盟于翟泉。在今河南府洛陽縣故洛陽城中。水經注。穀水東流入洛陽縣之南池。即

故翟泉也。考是盟。春秋不書公。王子虎書王人。今依金氏前編書。

王子虎。魯侯。晉狐偃。宋公孫固。齊國歸父。陳轅濤塗。秦

小子憖。盟于翟泉。尋踐土之盟。且謀伐鄭。

陳氏傳良曰。此晉初以大夫盟王子也。大夫之交政于是始。



辛卯二十有二年。秋九月。晉人秦人圍鄭。

晉侯秦伯圍鄭。鄭人以名寶行成。晉弗許。曰。與我詹而

師還。

謂叔詹也。詹前請殺晉侯。

詹請往。鄭以詹與晉。晉人將烹之。既

而弗殺。

詹就烹。據鼎耳而疾號。曰。自今以往。知忠以事君者。與詹同。晉人舍之。

曰。欲得鄭

君而甘心焉。鄭恐。乃間令使

燭之武夜縋而出。

謂秦伯曰。亡鄭

厚晉。于晉得矣。而秦未為利。何不解鄭。得為東道交。秦

伯遂與鄭人盟。使杞子。逢孫。揚孫。戍之而還。狐偃請擊

之。晉侯曰。不可。微夫人之力不及此。亦去之。

初鄭公子蘭出奔晉。

從于晉侯伐鄭。請無與圍鄭。許之。使待命于東。鄭石甲父。侯宣多。逆以為太子。以求成于晉。晉許之。越二年。鄭

文公卒。子蘭嗣。是為穆公。

冬。使宰周公

閱

聘于魯。魯公子遂

即東門襄仲。莊公子。

入聘。



周公閱聘魯。饗有昌歠。昌蒲白。熬稻。黑。熬黍。形鹽辭曰。

國君文足昭也。武可畏也。則有備物之饗。吾何以堪之。

于是魯公子遂入聘京師。

壬辰二十有三年。秋。晉作五軍。

初。晉侯作三行以禦狄。左傳注。晉置三軍。復增置三行。以避天子六軍名。至是。

蒐于清原。在今山西絳州稷山縣西北。舍三行而作五軍。更為上軍。使

趙衰為卿。為新軍帥。後復舍二軍。仍為三軍。趙盾將中軍。始為國政事。在王三十一年。

冬。十有二月。衛遷于帝丘。注見前。

狄圍衛。衛遷帝丘。卜曰。三百年。左傳疏。衛自此年以後。歷十九君。積四百二十

年。衛元君乃徙野王。後為秦所滅。

癸巳二十有四年。冬。十有二月。晉侯重耳卒。



晉文公卒。子驪立。是為襄公。是年。楚鬬章請平于晉。晉陽處

父晉大報之。晉楚始通。

甲午二十有五年。春二月。秦人入滑。夏四月。晉人及姜戎姜姓

之戎居晉南鄙。敗秦師于殽。殽山在今河南府永寧縣。

杞子自鄭使告于秦。曰。鄭人使我掌其北門之管。若潛

師以來。國可得也。秦伯訪諸蹇叔。百里奚之友。奚嘗游困于秦。蹇叔收之。及

秦用奚。奚薦之穆公。穆公以厚幣迎為上大夫。蹇叔曰。勞師以襲遠。不可。公辭

焉。召孟明。西乞。白乙。史記。百里奚子孟明視。蹇叔子西乞術。及白乙丙。出師。蹇

叔子與師哭而送之。蹇叔曰。晉人禦師必于殽。殽有二陵焉。其南陵。夏后臯之墓也。其北

陵。文王之所避風雨也。秦師遂東。過周北門。左右免胄而下。超乘者三百乘。

必死是間。予收爾骨焉。秦師輕而無禮。必敗。及滑。鄭商人弦高以牛十二犒師。



且使遽告于鄭。鄭人使視客館。則束載厲兵秣馬矣。遂

辭焉。

杞子奔齊。逢孫。揚孫奔宋。

孟明曰。鄭有備矣。不可冀也。滅滑而

還。晉先軫曰。秦違蹇叔而以貪勤民。天奉我也。奉不可

失。敵不可縱。必伐秦師。遂發命。遽興姜戎。子墨衰絰。子。謂

晉侯。凶服從戎。故墨之。

敗秦師于殽。獲孟明。西乞。白乙。以歸。

遂墨以葬。

文公。晉于

文嬴。

文公夫人。

請三帥。使歸就戮于秦。公許之。

先軫

朝。問秦囚。公曰。夫人請之。吾舍之矣。先軫怒曰。武夫力而拘諸原。婦人暫而免諸國。墮軍實而長寇讐。亡無日矣。公使陽處父追之。三帥歸。秦伯素服郊次。哭曰。孤違

蹇叔。以辱二三子。孤之罪也。大夫何罪。且吾不以一眚

掩大德。

二十有六年春二月癸亥日有食之。



夏使毛伯姬姓伯爵食采于毛地錫魯侯命魯叔孫得臣

叔牙孫來拜命

魯僖公卒子興嗣是為文公王使毛伯衛如魯錫魯侯命魯

使叔孫得臣來京師拜賜命

晉侯襄公來朝于溫伐衛

晉文公之季年諸侯朝晉衛侯不朝使孔達衛大夫伐鄭

及是晉侯既祥使告于諸侯而伐衛及南陽先且居先軫

子曰效尤禍也請君朝王左傳注時王在溫故勸之臣從師晉侯朝

王于溫先且居胥臣伐衛圍戚古戚城在今直隸大名府開州取之衛

人使告于陳陳侯穆公子共公朔曰更伐之我辭之衛孔達帥

師伐晉于是晉侯疆戚田正其疆界魯公孫敖會之後晉以卻缺言



復歸戚田于衛。

卻缺芮之子。

冬十月。楚世子商臣弑其君頹。

初。楚子將以商臣爲太子。訪之令尹子上。子上曰。是人

也。蠶目而豺聲。忍人也。不可立。弗聽。既又欲立子職。商臣

庶弟。而黜商臣。商臣聞之。未察。告其師潘崇曰。若之何。察

之。潘崇曰。享江芊。楚子妹。而弗敬也。從之。江芊怒曰。呼。役

夫。宜君王之欲殺汝而立職也。告潘崇曰。信矣。乃以宮

甲。

楚有東宮之卒。

圍楚子。楚子請食熊蹯而死。

熊掌難熟。冀久將有外救。弗

聽。楚子縊。商臣乃自立。

是爲楚穆。以太子之室與潘崇。使爲太師。掌環列之尹。

丙申。

二十有七年夏六月。晉士穀

士爲子。

會宋公。陳侯。鄭伯。魯

公孫敖盟于垂隴。

今河南開封府滎澤縣有故隴城。亦謂之都尉城。卽春秋垂隴。



晉司空士穀會諸侯。及魯公孫敖盟于垂隴。晉討衛故也。陳侯爲衛請成于晉。執孔達以說。明年衛侯如陳拜晉成。又明年晉人歸孔達于衛。衛侯如晉拜。

陳氏傳良曰大夫而敵諸侯于是始。

丁酉二十有八年夏秦伯伐晉誓于軍

穀之役晉人既歸秦帥秦大夫及左右皆言于秦伯曰是孟明之罪也請殺之秦伯曰是孤之罪也孤實貪以禍夫子夫子何罪復使爲政明年孟明帥師伐晉以報穀之役晉侯禦之戰于彭衙陝西同州府白水縣有衙縣故城今爲彭衙堡卽春秋彭衙秦師敗績秦伯猶用孟明孟明增修國政重施于民晉趙衰言于諸大夫曰秦師又至將必避之懼而增



德不可當也。至是秦伯伐晉，濟河焚舟。今山西蒲州府永濟縣有孟明

橋，即秦伯濟河焚舟處。取王官。王官城，在蒲州府虞及

盟師必克，因以名橋。晉人不出，遂自茅津濟。今山西解州

郊。春秋彙纂注：臨晉，平陽間小邑。晉人不出，遂自茅津濟。平陸縣有沙

澗渡，亦名茅津渡，在黃河北岸，南對陝州，即春秋茅津。封殽中尸，發喪，哭之三日。

乃誓于軍。作秦誓。以申思，不用蹇叔之謀。且曰：令後世以

記余過。

秋，楚人圍江。冬，王叔會晉陽處父伐楚以救江。

楚師圍江，晉以告于王。王叔桓公之子，以爵系為氏。及晉

陽處父伐楚以救江，門于方城，遇息公子朱而還。左傳注：子

朱，楚伐江之帥，聞晉師起而江兵解，故晉亦還。

戊戌二十有九年，秋，楚人滅江。



秦伯爲之降服

素服也

出次

辟正寢

不舉

去盛饌

過數

鄰國之禮有數

秦伯過之

大夫諫公曰同盟滅雖不能救敢不矜乎吾自懼

也

命秦伯爲西方諸侯伯

戎人由余自戎歸于秦

由余其先晉人亡入戎能晉言戎王使覲秦秦伯賢之以內史

廖言遺戎王以女樂而歸由余戎王說女樂由余數諫弗聽秦又數使人間要由余由余遂降秦秦伯

以客禮禮之用其謀伐戎益國十二開地千里遂霸西

戎王使召公過賜秦伯以金鼓命爲西方諸侯伯

己亥

三十年秋楚人滅六

注見前

冬滅蓼

今河南光州固始縣有蓼城岡古蓼國

魯臧孫辰聞六與蓼滅曰臯陶庭堅不祀忽諸

六蓼皆臯陶之後

德之不建民之無援哀哉



庚子

三十有一年。秦伯狂好卒。子罃嗣。

是為康公。

以子車氏

秦大夫。

之三子。奄息。仲行。鍼虎。為殉。

秦自武公卒。初以人

從死。

皆秦之良也。國人哀之。為之賦黃鳥。

詩序。秦風黃鳥。哀三良也。國人

刺穆公以人從死。而作是詩。

辛丑

三十有二年。春。三月。魯取須句。

今山東泰安府東平州有須昌故城。即須句國。

須句。風姓。司太皞之祀。魯僖公時。邾人滅之。成風

僖公母。風

姓。

言于公。公伐邾。取須句。而反其君。至是。魯取須句。

絕大

皞之

置邾子之子焉。

左傳注。邾文公子叛邾在魯。故魯使為須句大夫。

夏。晉人及秦人戰于令狐。

故城。在山西蒲州府猗氏縣。今名令狐村。

晉先蔑

即土

伯。奔秦。

晉襄公卒。太子夷臯少。晉人以難故。欲立長君。趙盾曰。



趙盾。趙衰子。立公子雍。文公子。仕。秦為亞卿。好善而長。先君愛之。

且近在秦。秦舊好也。足以為援。乃使先蔑士會士為之孫。別邑。

于隨。故亦如秦。逆公子雍。賈季欲立文公子樂。亦使召于隨季。于陳。趙盾殺諸郕。賈季殺陽

處父而奔狄。賈季。即狐射姑。偃之子。秦伯康公。送公子雍于晉。曰。文公

之入無衛。故有呂卻之難。乃多與之徒衛。晉太子母嬴。

穆嬴。曰。抱太子以啼于朝。曰。先君何罪。其嗣亦何罪。舍

適嗣不立而外求君。將焉寘此。出朝。則抱以適趙氏。頓

首于趙盾。曰。先君奉此子而屬諸子。曰。此子也才。吾受

子之賜。不才。吾唯子之怨。今君雖終言猶在耳。而棄之。

若何。趙盾與諸大夫皆患嬴氏。且畏偁。畏國人以大義求偁已。乃

背先蔑而立夷臯。是為靈公。以禦秦師。訓卒利兵。秣馬蓐食。



潛師夜起。敗秦師于令狐。先蔑奔秦。士會從之。

壬寅三十有三年。秋八月。王崩。子壬臣立。是為頃王。

頃王

癸卯元年。春。毛伯注見前。如魯求金。魯使叔孫得臣來京師。葬

襄王。

先是。襄王崩。魯使公孫敖入弔。不至。以幣奔莒。及將葬。

毛伯如魯求金。魯復使得臣來京師會葬。

三月。楚人伐鄭。晉人。宋人。魯人。衛人。許人。救鄭。

范山楚大夫。言于楚子曰。晉君少。志不在諸侯。北方可圖。

也。楚子師于狼淵。左傳注。潁川潁陰縣有狼。破。潁陰。即今河南許州。以伐鄭。囚

公子堅。公子廆。及樂耳。皆鄭大夫。鄭及楚平。魯公子遂會晉



趙盾。宋華耦。督曾孫。衛孔達。許大夫。救鄭不及。後鄭復請

成于晉。盟于新城。事在王六年。新城。在今歸德府商邱縣西南。晉伐齊。齊弒昭公。俱詳後。

皆取賂而還。鄭以晉不足與。遂盟于楚。在事

五年。

### 夏。楚侵陳。

楚子以陳服于晉。侵之。克壺邱。左傳注。陳邑。秋。楚公子朱息

也。復自東夷伐陳。陳人敗之。獲公子莜。陳懼。乃及楚平。

左傳注。以小勝大。故懼而請平。明年。陳侯鄭伯會楚子于息。遂及蔡侯

次于厥貉。春秋彙纂注。厥貉。杜注。地。在今陳州項城縣。將伐宋。宋公

公杵逆楚子。勞且請命。遂道以田孟諸。爾雅。十藪。宋有孟諸。今河南歸

德府商邱縣。有孟諸澤。後陳共公卒。子平國立。是為靈公。楚不禮焉。陳遂受



左傳注僑如身長三丈已屬不經而解穀梁者且以身長九畝為五丈四尺荒誕好奇更可笑矣

秦晉自殺至此凡六交兵故楚於其間得以吞噬麋庸兼侵陳鄭而開霸業時晉君方幼軍謀不協其不能與楚爭宜矣迨至戰邲

盟于晉。于是楚復侵陳。晉趙盾帥師救之。楚人囚晉解

揚。晉大夫。後復還晉。晉師乃還。事在匡王五年。

乙巳三年冬十月。魯叔孫得臣敗狄于鹹。左傳注。魯地。

鄭瞞。左傳注。狄國名。防風氏之後。漆姓。侵齊。遂伐魯。魯侯使叔孫得臣

追之。遂敗之于鹹。獲長狄僑如。左傳注。鄭瞞國之君。身長三丈。穀梁傳。射其目。

身橫九畝。斷其首而載之。眉見于。殺之。埋其首于子駒

之門。左傳注。魯郭門。僑如骨節非常。恐後世怪之。故詳其處。史記。宋武公之世。鄭瞞伐宋。宋獲長翟緣斯。

晉之滅潞。獲僑如弟焚如。齊襄公二年。鄭瞞伐齊。獲其弟榮如。衛人獲其季弟簡如。鄭瞞由是遂亡。

丙午四年冬十有二月。晉人秦人戰于河曲。左傳注。在河東蒲坂縣。蒲坂故

城。在今山西蒲州府永濟縣。黃河自永濟折而東。入解州之芮城。謂之河曲。

秦為令狐之役。伐晉。取羈馬。今蒲州府永濟縣有羈馬城。亦謂之涉。晉人



而敗其不至焉弱者幾希

禦之從秦師于河曲。與駢趙盾屬大夫。新佐上軍。曰。秦不能久。請

深壘固軍以待。從之。士會謂秦伯曰。必與駢為此謀。以

老我師也。趙穿趙夙庶孫。有寵而弱。好勇而狂。若使輕者肆

焉。其可。秦軍遂掩晉上軍。趙穿追之不及。怒。將獨以其

屬戰。趙盾曰。秦獲穿歸。我何以報。乃皆出戰。交綏綏。郤也。秦

晉兵未至爭而兩退。故曰交綏。是夜。秦師遁。復侵晉。入瑕。故瑕城在蒲州府臨晉縣。

晉患秦之用士會也。使魏壽餘畢萬之後。偽以魏注見前。叛降

秦。時秦師河曲。魏人在東。壽餘曰。請東人之能與夫二

三有司言者。吾與之先。秦伯使士會。既濟。魏人譟而還。

士會將行。繞朝贈之以策。曰。子無謂秦無人。吾謀適不用也。秦人歸士會之帑。其處者為劉氏。

戊申六年春。王崩。子班立。是為匡王。



頃王崩。周公閱與王孫蘇爭政。將訟于晉王。匡王。不與。

王孫而訟。

理之也。

周公于晉。晉趙盾平王室而復之。復使和好。

秋七月。有星孛入于北斗。

左傳注。孛。彗也。既見而移入北斗。

九月。齊公子商人弑其君舍。

齊昭公卒。

昭公。孝公弟。孝公卒。昭公因開方殺其子而立。

子舍即位。舍母魯叔

姬無寵。舍無威。商人驟施于國。而多聚士。舍立甫三月。

商人殺之。而讓公子元。

桓公子。商人兄。

元曰。爾求之久矣。我能

事爾。商人乃自立。

是為懿公。公子元不順懿公之為政。終不曰公。曰夫已氏。

匡王

己酉元年。夏六月。辛丑朔。日有食之。

戊戌二年。秋。楚人。秦人。巴人。

今四川重慶府。古巴國。巴縣。其國都也。

滅庸。

注見前。



楚大饑。戎伐之。庸人率羣蠻以叛。麇人文獻通考。麇。今在均州鄖鄉。

湖北鄖陽府鄖縣。故鄖鄉縣也。率百濮。杜預春秋釋例。建寧南有濮夷。各以邑落自聚。故稱百濮。地理

今釋。建寧故城。在今荆州府石首縣。聚于選。左傳注。楚地。在今荆州府枝江縣南。將伐楚。楚

人謀徙于阪高。左傳注。楚險地。蔣賈曰。不可。我能往。寇亦能往。

不如伐庸。夫麇與百濮。謂我饑不能師。故伐我也。若我

出師。必懼而歸。乃出師。旬有五。日。百濮遂罷。使廬戢黎

廬。盧戎也。今湖北襄陽府南漳縣。有中廬故城。即廬國。戢黎。廬大夫。侵庸。庸人逐之。囚子

揚窗。戢黎官屬。逸歸。曰。庸師衆。不如復大師。且起王卒。合而

後進。潘圻。潘崇子。字師叔。曰。不可。姑又與之。遇以驕之。乃與之

遇。七遇皆北。庸人曰。楚不足與戰矣。遂不設備。楚子楚穆

之子。名旅。乘駟會師于臨品。春秋彙纂注。臨品。地名。在今襄陽府均州界。分



為二隊。子越自石溪。子貝自仞。左傳注。石溪。仞。入。以伐

庸。秦人。巴人。從楚師。遂滅庸。

冬。十有一月。宋人弑其君杵臼。

宋公子鮑。昭公庶弟。禮于國人。宋饑。竭其粟而貸之。年自七

無不餽。詒也。國之材人。無不事也。親自桓以下。無不恤也。襄夫人。襄公夫人。助之施。宋公

昭公。無道。國人奉公子鮑以因夫人。夫人將使公田而

殺之。公知之。盡以寶行。蕩意諸。公子蕩孫。以名。為氏。世為司城。曰。盍適

諸侯。公曰。不能其大夫。至于君祖母。昭公成公子。襄公孫。以及國

人。諸侯誰納我。盡以其寶賜左右。使行。夫人使謂意諸

去公。對曰。臣之而逃其難。若後君何。公田孟諸。未至。夫

人使帥甸。郊甸之帥。攻而殺之。意諸死焉。公子鮑即位。是為文公。



四年夏五月齊人弑其君商人

齊侯為公子時與邠歃之父爭田弗勝及即位掘而刑

之

左傳注斷其尸足

而使歃僕

御車也

納閭職之妻而使職駟乘

齊侯游于申池

齊南城西門名申門左右有池

二人浴于池歃以扑扶

擊也職職怒歃曰人奪汝妻而不怒一扶何傷職曰與

則其父而不能病者何如乃共謀弑齊侯納諸竹中歸

舍爵而行

飲酒訖乃去

齊人立公子元

是為惠公

冬十月魯公子遂弑其君之子赤

一名惡

及公子視立公子

倭

是為宣公

夫人姜氏歸于齊

魯文公二妃長妃姜

哀姜

生赤及視次妃嬴

敬嬴

生倭

嬴嬖而私事公子遂文公卒遂以倭長欲立之叔仲彭



生

字惠伯。叔牙孫。別爲叔仲氏。

不可。遂乃之齊。以立倭。請齊侯新立。

欲親魯。許之。遂歸。殺赤及視而立倭。以君命召彭生。其宰公冉務人止之。曰。入必死。彭生曰。死君命可也。乃入。殺而埋之。夫人姜氏歸于齊。哭而過市。曰。天平。仲爲不道。殺適立庶。市人皆哭。魯人謂之哀姜。

莒弑其君庶其。

紀公。

莒子生太子僕。又生季佗。愛季佗而黜僕。且多行無禮于國。僕因國人弑莒子。以其寶玉奔魯。魯侯命與之邑。季孫行父諡文子。季友孫。使司寇出諸境。魯侯問其故。曰。先大夫臧文仲教行父事君之禮。曰。見有禮于其君者。事之。如孝子之養父母也。見無禮于其君者。誅之。如鷹鷂之



逐鳥雀也。夫僕弑君父，其人則盜賊也。其器則姦兆也。保而利之，則主藏也。是以去之。

甲寅

六年春二月，宋華元

御事子督曾孫爲右師

帥師及鄭公子歸生

戰于大棘。

今河南歸德府柘城縣西北有大棘城故址。

宋師敗績，獲宋華元。

鄭公子歸生受命于楚，伐宋。宋華元、樂呂

宋戴公曾孫爲司寇禦

之戰于大棘。宋師敗績，囚華元，獲樂呂。初，華元殺羊饗

士，其御羊斟不與。及戰，曰：「疇昔之羊子爲政，今日之事

我爲政。」與入鄭師，故敗。宋人以兵車百乘、文馬百駟，贖

華元于鄭。半入，華元逃歸。

宋城。華元巡功。城者謳曰：「睥其目，皤其腹。」棄甲而復。于思

于思棄甲復來。元使謂之曰：「牛則有皮，犀兕尚多。」棄甲則那。」役人曰：「縱其有皮，丹漆若何？」華元曰：「去之。」夫其口

寡我。



匡王庚戌至甲寅五年之  
間宋齊魯晉凡五弑君  
較準噶爾之亂有過之無  
不及也

秋九月晉趙盾弑其君夷臯。

晉侯虐。

公羊傳靈公使諸大夫內朝處乎臺上引彈而彈之大夫趨而避丸是樂諸大夫出于朝有人

荷畚自閨而出趙盾視之膳宰也熊蹯不熟以斗擎而殺之支解使棄之趙盾驟諫晉侯患

之使鉏麇賊之晨往盾寢門已闢盛服將朝蚤而假寐。

麇歎曰不忘恭敬民之主也賊民之主不忠棄君之命。

不信有一于此不如死也觸槐而死晉侯飲趙盾酒伏

甲將攻盾其右提彌明知之趨登曰臣侍君宴過三爵

非禮也遂扶以下。

公喉夫爨明搏而殺之

鬪且出提彌明死之靈

輒爲公介。

公甲士

倒戟以禦公徒而免盾。

初盾田首山舍于翳桑見靈輒

餓食之舍其半問之曰願遺母盾使盡之而益與之簞食與肉使遺母至是旣免盾問何故對曰翳桑之餓人

也問其名居盾遂奔趙穿弑晉侯于桃園盾未出山而

不告因亡去



復。晉太史董狐周辛有之後。書曰。趙盾弑其君。以示于朝。盾

曰。不然。對曰。子為正卿。亡不越境。反不討賊。非子而誰。

盾使趙穿逆公子黑臀文公之子。于周而立之。是為成公。

冬。十月。王崩。弟瑜立。是為定王。

定王

乙卯元年。春。楚子伐陸渾之戎。注見前。

楚子伐陸渾之戎。遂至于雒。觀兵于周疆。王使王孫滿

周大夫。勞楚子。楚子問鼎之大小輕重。對曰。在德不在鼎。

德之休明。雖小。重也。其姦回昏亂。雖大。輕也。天祚明德。

有所底止。成王定鼎于郊。注見前。鄩前。卜世三十。卜年七百。

周德雖衰。天命未改。鼎之輕重。未可問也。



丙辰二年夏六月鄭公子歸生弑其君夷穆公子靈公

楚人獻鼃于鄭伯公子宋即子公與歸生即子家將見宋食

指動以示歸生曰他日我如此必嘗異味及入宰夫將

解鼃相視而笑鄭伯問之歸生以告鄭伯食諸大夫鼃

召宋而弗與宋遂染指于鼎嘗之而出鄭伯怒欲殺宋

宋與歸生謀先歸生不可宋反譖歸生歸生懼而從之

遂弑鄭伯鄭人立穆公之庶子堅是為襄公後歸生卒鄭人斷其棺遂其族

秋七月楚殺鬬椒即子越椒

楚鬬般子文之子揚為令尹椒為司馬薦賈為工正賈譖般

而殺之椒為令尹賈為司馬椒又惡賈乃以若敖氏之

族圍賈于轅陽春秋彙纂注楚地漢武封江喜為轅陽侯即此而殺之遂處烝



野。左傳注。楚地。將攻楚子。師于漳澨。漳水名。澨水出臨澧荆山。注。漳水

南逕當陽縣。右會沮。臨沮。今湖北襄陽府南。漳縣當陽。今縣屬湖北安陸府。沮水在其北。楚子與

若敖氏戰。椒射楚子。師退。楚子鼓而進之。遂滅若敖氏。

初。椒始生。子文曰。必殺之。是子也。熊虎之狀。而豺狼之

聲。弗殺。必滅若敖氏。子良。子文弟。椒之父。不可。子文以為大感

至是。若敖氏果滅。子文孫箴尹。官名。克黃。子揚。使于齊。

還及宋。聞亂。人曰。不可入矣。克黃曰。棄君之命。獨誰受

之。君天也。天可逃乎。遂歸復命。自拘于司敗。楚子思子

文之治國。曰。子文無後。其何以勸善。使復其所。改命曰

生。

己未五年。河徙。漢書溝洫志。大司空掾王橫言。周譜。定王五

河至春秋始有徙證其時  
諸侯各私其土或開鴻溝



以東引或關八流以自廣而河失其性不能復循故道所以徙也既徙之後歲月寔久就下之勢自東而南豈能復歸於北而賈讓王橫輩乃欲決泄害亭緣西山足載河高地使北入海此誠大謬之論且河之入海必挾一大川與俱故於北則掩漳於東則侵濟於南則奪淮蓋自禹時至今皆然治之者於所挾之川而利導之救其弊而不泥於古可耳一勞永逸言之易而行之難

徙磔礫胡渭禹貢錐指大昌禹貢論但云河徙故瀆無磔礫字蔡傳所引誤

初大禹導河自積石即大雪山注見前考大雪山在

遜山又闕展西南有大澤曰羅布淖爾即古蒲昌海某爾羌和闐兩河東行注之即古于闐蔥嶺兩河所謂合

注蒲昌海潛行出於積石者大雪山西有山曰庫爾坤阿爾坦河出焉是即漢書所云河有重源者其東北有

泉名鄂敦塔拉則元至孟津龍門底杜俱已見前茲不

史所云星宿海也至孟津具載考河流自孟津以上

至今過洛汭水曲流曰汭洛水入河處舊在及至大伾

不改即黎山在今河南乃醴二渠史記禹斷二渠以引河北

衛輝府濬縣東南乃醴二渠載之高地禹貢錐指二渠

自黎陽宿胥口始一北流為大河北過降水合絳水故

亦名絳兼通為降也禹貢錐指河之經流自大伾西至南折而北為宿胥口又東北合漳水是為北過降水至

于大陸即廣阿澤在直隸趙州隆平縣東北跨保定府

晉縣為又北播為九河注亦同為逆河入于海蘇軾書

胡盧河見前



河者。既分爲九。又合爲一。帝堯八十載。告厥成功。至是。以一逆八而入于海也。

凡一千六百七十六年。河始決宿胥口。水經注。宿胥口。舊河水北入。

東徙漯川。即禹釀二渠之一。禹河由大伾之西而北流。河徙後。由大伾之南而東流。于是禹河北過。

降水至大陸。指河行漯川。右經滑臺城。又東。道遂堙。逕長壽津。在今衛輝府滑縣東北。禹貢錐。

北至長壽津。與漯別行。水經謂之大河故瀆。東北逕戚城西。今直隸開州地。又東北逕發干縣故。

城西。今山東堂邑縣地。西流逕鬲縣故城西。今山東德州地。又北逕安陵縣西。今直隸吳橋縣地。東北

至成平。今交河縣。復合于禹故河。水經注。大河故瀆。至東光縣故城西。而北與漳水合。

禹貢錐指。大河自宿胥口徙流。至成平合漳水。復歸禹河故道。歷浮陽。平舒。至章武入海。以今輿地言之。濬縣。

滑縣。開州。及館陶。堂邑。平原。德州。吳橋。東光。交河。滄州。靜海。天津。諸州縣界中。皆周定王五年至西漢末。大河

之所行也。此黃河大徙之始。

余氏闕曰。自周定王時。河始東徙。訖于漢而禹之故道遂失。西京時。受患特甚。自瓠子再決。遂流爲屯氏諸河。



東都至唐河不為害者千有餘年。至宋而河又南決。乃由彭城合汴泗東流以入淮。

冬。晉侯。宋公。魯侯。衛侯。鄭伯。曹伯。會于黑壤。今山西澤州府沁水縣有

烏嶺即其地。

鄭及晉平。公子宋之謀也。故相鄭伯以會盟于黑壤。王

叔桓公臨之。以謀不睦。左傳注。王叔銜天子命。初。晉侯臨諸侯。不同敵。故不書。

之立。鄭舍楚即晉。故楚人侵鄭。王元年。又三伐鄭。王之二年及三年。

年。四取成而還。取成于厲。鄭伯逃歸。至是復與晉盟。于是楚子復

伐鄭。事在王七年。晉人救之。既而鄭及楚平。晉以諸侯伐鄭。

遂取成焉。事在王八年。是冬。楚伐鄭。晉以諸侯之師戍鄭。

庚申六年。秋。七月。甲子。日有食之。既。

冬。使單子。單襄公。韋昭國語注。王卿士單朝。聘于宋。遂自陳聘于楚。



王使單子聘于宋。遂假道于陳。以聘于楚。火朝覲矣。火心

星觀見也。謂夏正十月。晨見于辰。道弗可行。候候人不在疆。司空不

視塗澤。不陂。川不梁。野有庾積。庾。露積也。場功未畢。道無

列樹。墾田若藝。發田曰墾。藝。猶蒔也。言其稀少。猶若藝物。膳宰不致餼。司里

不授館。國無寄寓。縣無施舍。民將築臺于夏氏。陳大夫夏徵舒

之。及陳。陳侯名平國。恭公之子。靈公。與公孫寧。儀行父。陳二卿。南冠

楚冠。以如夏氏。夏徵舒祖少西字子夏。後遂以字為氏。留賓弗見。單子歸。

告王曰。陳侯不有大咎。國必亡。

辛酉七年。夏。魯仲孫蔑。諡獻子。文伯穀之子。入聘。

王徵聘于魯。魯使仲孫蔑入聘。王以為有禮。厚賄之。

秋。九月。晉侯。宋公。衛侯。鄭伯。曹伯。會于扈。今河南懷慶府原武縣扈亭是。



初陳即楚晉趙盾衛孫免侵陳陳及晉平

事在王

于是

晉荀林父帥師伐陳

初陳即楚晉趙盾衛孫免侵陳陳及晉平事在王于是

楚師伐陳取成而還在六至是晉合諸侯于扈陳侯不

會荀林父以諸侯之師伐陳晉侯卒于扈乃還晉成公

嗣是為景公

壬戌八年夏四月丙辰日有食之

五月陳夏徵舒弑其君平國

陳侯與公孫寧儀行父通于夏姬左傳注夏姬鄭穆公

徵舒皆衣其相服婦人近喪衣曰和以戲于朝洩冶陳大夫御叔妻夏

君臣淫亂民何效焉陳侯以告二子遂殺洩冶陳侯飲

酒于夏氏謂行父曰徵舒似汝對曰亦似君徵舒病之



伏弩廐門。俟陳侯出。弑之。公孫寧儀行父奔楚。太子午奔晉。徵舒自立為陳侯。

秋使王季子

即劉康公。公羊傳王母弟也。左傳注季子王大夫。故稱字。其後食采于劉。今河南府偃師

縣有劉聚。亦曰劉亭。即劉子邑。聘于魯。春秋書王聘止此。

報仲孫蔑之聘也。發幣于大夫。季孫行父仲孫蔑皆儉。

叔孫僑如公孫歸父。

公子遂子。皆侈。歸。王問魯大夫孰賢。對

曰季孟

孟即仲孫氏。

其長處魯乎。叔孫東門

遂居東門。因以為氏。其亡

乎。若家不亡。身必不免。王曰。何故。對曰。臣聞之。寬肅宣

惠。君也。敬恪恭儉。臣也。今二子者儉儉。則能足用。用足

則族可以庇。二子者侈。侈則不恤。匱。匱而不恤。憂必及

之。王曰。幾何。對曰。東門之位。不若叔孫。

東門大夫。而泰叔孫卿也。



侈焉。不可以事二君。叔孫之位。不若季孟。叔孫下卿。季孟上卿。而

亦泰侈焉。不可以事三君。王十六年。歸父謀去三桓。使如晉。未反。魯宣公薨。三桓逐

歸父。遂奔齊。簡王十一年。僞如通于宣公夫人。穆姜欲去季孟而專公室。國人逐之。亦出奔齊。

九年。夏。楚子。陳侯。鄭伯。盟于辰陵。陳地。今河南陳州府淮寧縣有辰亭。即春

癸亥。秋辰陵也。

楚子伐鄭。及櫟。注見前。鄭公子去疾。字子良。穆公子。曰。晉楚不務

德而兵爭。與其來者可也。晉楚無信。我焉得有信。乃從

楚楚盟于辰陵。陳鄭服也。于時楚益強。盛。主盟列國。

冬。十月。楚人殺陳夏徵舒。楚子入陳。

楚子伐陳。謂陳人無動。將討于少西氏。遂入陳。殺夏徵

舒。轅諸栗門。陳城門。因縣陳。申叔時諫曰。時使于齊還。夏徵舒



弑其君其罪大矣。討而戮之，君之義也。今縣陳，貪其富也，以討召諸侯，而以貪歸之，無乃不可乎？楚子曰：「善。」乃

復封陳，納公孫寧，儀行父于陳，迎太子午于晉而立之。

是為成公。鄉取一人焉以歸，謂之夏州。  
在今湖北漢陽府漢陽縣夏口北。蘇秦說

楚威王曰：「楚有夏州。」即莊王處陳人之所。

甲子十年春，楚子圍鄭。

三月，克之，入自皇門。鄭南門曰皇門。至于逵路，鄭伯肉袒牽羊

以迎。楚子曰：「其君能下人，必能信用其民矣，庸可幾乎？」

退三十里而許之平。潘尫入盟，鄭公子去疾出質。鄭自此服

于楚。至王二十一年，蟲牢之盟，方與晉成。

夏六月，晉荀林父帥師，及楚戰于邲。鄭地。今河南開封府鄭州東有邲城。晉



師敗績。

晉師救鄭。

荀林父將中軍。先穀佐之。士會將上軍。卻克佐之。趙朔將下軍。欒書佐之。趙括。趙嬰齊。為

中軍大夫。

鞏朔。韓穿。為上軍大夫。荀首。趙同。為下軍大夫。韓厥為司馬。先穀且居之。子趙朔。盾之子。欒書。枝

伯。韓穿。韓氏族。

荀首。林父弟。韓厥。萬曾孫。及河。聞鄭

既及楚平。荀林父欲還。曰。無及于鄭。而勸民焉。用之士

會曰。善。會聞見可而進。知難而退。軍之善政也。兼弱攻

昧。武之善經也。子姑整軍而經武乎。猶有弱而昧者。何

必楚。先穀曰。晉所以霸。師武臣力也。今失諸侯。不可謂

力。有敵而不從。不可謂武。且成師以出。聞敵彊而退。非

夫也。以中軍佐濟。韓厥謂林父曰。莠子即先穀以偏師陷

子罪大矣。事之不捷。惡有所分。與其專罪。六人同之。不

師克在和。偏師先濟。不和甚矣。其敗可立待。乃知其必敗。而使諸帥與之同罪。



是以三軍之命分一人之  
謗也韓厥為晉臣之倭倭  
者何以持此說而林父竟  
從之至償事敗績受戮宜  
耳士渥濁乃謂其進思盡  
忠晉侯從而免之其謬甚  
矣

猶愈乎。不如進也。師遂濟。楚子北師次于郟。左傳注。鄭

將飲馬于河。聞晉師既濟。欲還。嬖人伍參欲戰。令尹孫

叔敖弗欲。史記。孫叔敖。楚之處士。虞邱相。進之。楚莊王。

不起。秋。冬。勸民山採。春夏以水。各得其所。便民皆樂其

莊王舉之。以為令尹。其說與史記同。杜預左傳注。則從

服虔之說。以叔敖為薦賈之子。即薦艾獵也。案左傳。為

賈為子。越椒所殺。叔敖或以是而隱。南轅反。旆。伍參曰。

晉之從政者新。未能行令。其佐先穀。剛愎不仁。未肯用

命。晉師必敗。楚子告令尹。改乘轅而北之。次于管。今開

鄭州管城。以待。晉師在敖鄆。山名。在開封府之間。楚子

使求成于晉。晉人許之。盟有日矣。魏錡魏驪子。求及趙

旃。趙穿子。求請使召盟。皆命而往。郤克請設備。先穀不



設七覆于敖前。趙嬰齊使其徒先具舟于河。魏錡遂請戰。楚潘黨逐之。趙旃

夜至楚軍。席于軍門之外。使其徒入之。楚子逐趙旃。楚

人懼其入晉軍。遂出陣。令尹命疾進師。車馳卒奔。乘晉

軍。林父不知所為。鼓于軍中曰。先濟者有賞。中軍下軍

爭舟。舟中之指可掬也。晉師右移。上軍未動。士會殿其

卒而退。不敗。楚熊負羈囚荀瑩。荀首以其族反之。曰。不

遂載其尸。射公子穀臣。囚之。以二者還。荀瑩首之子。穀臣楚莊之子。楚子軍于邲。次于

衡雍。注見前。潘黨請築京觀。積尸封土其謂之京觀。弗許。祀于河。作

先君宮。告成事而還。晉師歸。林父請死。晉侯欲許之。士

渥濁。士氏族諡貞子。諫曰。林父進思盡忠。退思補過。社稷之衛

也。若之何殺之。晉侯使復其位。明年先穀召赤狄伐晉。



及清。原。即清。晉人討邲之敗。與清之師。殺先穀而滅其族。

冬十有二月。楚子滅蕭。注見前。

楚子伐蕭。宋華椒。華氏族。以蔡人救蕭。蕭人囚熊相宜僚。

及公子丙。皆楚大夫。楚子曰。勿殺。吾退。蕭人殺之。楚子怒。遂

圍蕭。蕭潰。申公巫臣。屈蕩子。曰。師人多寒。楚子巡三軍。拊

而勉之。三軍之士。皆如挾纊。

丁卯十有三年夏五月。宋人及楚人平。

楚子使申舟。即文之母畏。聘于齊。曰。無假道于宋。先是楚穆與宋公田

于孟諸。母畏扶宋公之僕。故惡宋。及宋。宋華元殺之。于

日。我必死。楚子曰。殺我。我伐之。

是楚子圍宋。宋使樂嬰齊告急于晉。晉侯欲救之。伯宗



待之乃止。使解揚如宋。使無降楚。曰。晉師悉起。將至矣。

鄭人囚而獻諸楚。楚子賂之。使反其言。不許。三而許之。

登諸樓車。使呼宋人而告之。遂致其君命。楚子將殺之。

曰。爾既許不穀。而反之。非我無信。女則棄之。速卽爾刑。

對曰。君能制命爲義。臣能承命爲信。義無二信。信無二

命。君之賂臣。不知命也。受命以出。有死無貲。又可賂乎。

臣之許君。以成命也。死而成命。臣之祿也。死又何求。楚

子舍之以歸。楚師將去宋。申犀

申舟子。

稽首于馬前。曰。母

畏知死而不敢廢王命。王棄言焉。申叔時僕

爲御也。曰。築

室反耕者。宋必聽命。從之。宋人懼。使華元夜入楚師。

羊公傳。莊王圍宋軍。有七日之糧耳。盡此不勝。將去而歸。于是使司馬子反乘堙而闚宋城。宋華元亦乘堙而出。見

之登子反公子側之牀起之曰寡君使元以病告曰敝邑

易子而食析骸以爨雖然城下之盟有以國斃不能從

也去我三十里唯命是聽子反懼與之盟而告楚子退

三十里宋及楚平華元為質盟曰我無爾詐爾無我虞

王札子左傳注王札子王子札也經文殺召伯毛伯

王孫蘇與召氏毛氏三人皆王卿士爭政使王子捷即子禮殺召

伯戴公衛其後立戴公之子襄

秋魯初稅畝

履畝而稅也左傳注周法民耕百畝公田十畝借民力而治之稅不過此是十取其一今又履其

餘畝復十取其一遂以為常故曰初

戊辰十有四年春三月晉獻狄俘



先是晉荀林父帥師滅赤狄潞氏。潞赤狄別種。今山西潞安府潞城縣東北。

有潞縣故城。晉侯使趙同獻俘于王。不敬。劉子即王季子劉康

公曰。不十年。原叔趙同字。必有大咎。至是。士會復滅赤狄

甲氏。在今直隸廣平府雞澤縣境。及留吁。今潞安府屯留縣有。純留故城。即留吁國。鐸辰。

留吁之屬。再獻狄俘。晉侯請于王。以黻冕命士會將中軍。且

為太傅。左傳注。太傅。孤卿。左傳疏。天子太傅。三公之官。諸侯太傅。孤卿之官。上公得置孤卿一人。晉為

伯主。雖侯亦得置孤卿。于是晉國之盜逃奔于秦。

夏。成周宣榭火。火。公羊傳作災。何休曰。有室曰寢。無室曰榭。徐彥疏。但有大殿無室。名曰榭。

宣宮之榭。何休曰。宣王之廟也。樂器藏焉。何休曰。中興所作樂器。至是火。

冬。晉侯使士會入聘。

為毛召之難。王室復亂。王孫蘇奔晉。晉人復之。使士會

王室陵夷。其不能守先王之舊者多矣。乃區區於殺

烝而守其禮不亦大可笑乎左傳於類此者多加褒語是知其見之固耳

平王室

國語作聘

王享之殺烝

升殺于組也

原公

原襄公周大夫

相禮士

會私問其故

享當體薦而殺烝故問

王聞之召士會曰季氏

士會字季

而弗聞乎王享有體薦

半解其體而薦之

宴有折俎

體解節折升之于俎

公當享卿當宴王室之禮也士會不敢對而退歸乃講

聚三代之典禮修執秩

秩常也可奉執以為常

以為晉法

已十有五年夏六月癸卯日有食之

晉侯魯侯衛侯曹伯邾子同盟于斷道

晉地今山西沁州東有斷梁城即春秋

秋斷道

晉侯使郤克徵會于齊齊侯

頃公名無野惠公子

惟婦人使觀之

郤克登婦人笑于房

穀梁傳季孫行父禿晉郤克眇衛孫良夫跛曹公子手僂同時而聘

于齊齊使禿者御禿者御眇者御眇者跛者御跛者僂者御僂者蕭同姪子處臺上而笑之聞于客客不悅而去



孫良夫。衛武公會孫孫仲之後。以字為氏。蕭同姪子詳注後。郤克怒。先歸。請伐齊。晉

侯不許。于是諸侯會于斷道。辭齊人。齊侯使高固。晏弱。

固逃歸。晉人執晏弱。蔡朝。南郭偃。苗賁皇。言于晉侯。綏

晏弱。遂逸。明年。晉侯。衛太子臧。伐齊。齊侯會晉侯盟于

緡。以公子疆為質于晉。蔡朝。南郭偃。逃歸。高固。侯之

孫晏弱。齊公族嬰之父。苗賁皇。楚越椒子。奔晉。以食邑

為氏。是年。晉士會請老。郤克為政。

冬。十有一月。魯侯弟叔肸卒。叔肸。魯侯同母弟。

魯侯殺子赤。叔肸非之。與之財。不受。織屨而食。終身不

食魯侯之食。至是卒。

辛未十有七年。春。三月。魯作邱甲。

魯宣公卒。子黑肱立。是為成公。為齊難故。左傳注。前年魯乞

楚師不出。故懼。作邱甲。左傳注。周禮。九夫為井。四井為邑。四邑

鞏之戰齊侯以婦人起釁  
固自取覆敗而卻克以帷  
房一笑之憾尋兵于甥舅  
之國且要其君母為質無  
禮已甚不二十年三郤同  
誅族遂降為卑隸天之報  
施固不爽也

邱為甸。甸六十四井。出長轂一乘。馬四匹。牛十二頭。甲  
士三人。步卒七十二人。此甸所賦。今魯使邱出之。是重  
斂矣。

申子十有八年夏六月。晉卻克魯季孫行父衛孫良夫曹公

子首。公羊穀梁作手。及齊侯戰于鞏。今山東濟南府歷城縣藥山南有鞏山。舊傳晉伐齊戰于

鞏。即此。齊師敗績。

先是齊伐魯北鄙。取龍。今山東泰安府泰安縣西南有龍鄉城。即魯龍邑。遂南

侵衛。孫良夫帥師。將侵齊。與齊師遇。戰于新築。左傳注。衛地。春秋彙纂注。今直隸大名府魏縣南有新築城。衛師敗績。新築人仲叔于奚救

人賞之邑。辭請曲縣繁纓以朝。許之。後孔子聞之。良夫曰。惜也。不如多與之邑。惟器與名。不可以假人。

如晉乞師。魯臧孫許。諡宣叔。文仲子。亦乞師于晉。皆主卻克。克

請八百乘。晉侯許之。卻克。將中軍。及士燮。將上軍。士燮即范文子。士會



之子。會邑隨。為隨氏。樂書。將下韓厥馬。將以救魯衛。

魯季孫行父帥師會之。師從齊師。至于靡笄之下。春秋彙纂

注。靡笄。山名。史記。晉平公伐齊。戰于靡下。徐廣曰。靡。當作歷。志曰。歷山。即左傳所謂靡笄之山也。在歷城縣南。

陳于鞌。邴夏御齊侯。逢丑父為右。晉解張御卻克。鄭邱

緩為右。齊侯曰。吾姑翦滅此而朝食。不介馬而馳之。卻

克傷于矢。流血及屨。未絕鼓音。解張曰。師之耳目。在吾

旗鼓。吾子勉之。左并轡。右援枹而鼓。馬逸不能止。師乘

之。齊師敗績。逐之。三周華不注。山名。在歷城縣東北。伏琛齊記。不。讀如跗。與詩

鄂不之不同。言此山孤秀如花跗也。逢丑父與齊侯易位。齊侯乃免。韓厥

侯車。逢丑父使公下。如華泉取飲。鄭周父載齊侯以。免韓厥獻丑父。卻克曰。人不難以死免其君。殺之不祥。赦

之。晉師從齊師。及馬陘。左傳注。齊邑。春秋彙纂。齊侯使注。在今益都縣西南。

國佐

歸父子左傳作賓  
婦人注國佐也

賂以紀麤

玉甌

玉磬

磬皆齊  
滅紀所得

與地卻克曰必使耕者東畝

壟畝皆東西  
行以利戎車

且以蕭同叔

子為質

左傳注同叔蕭君字齊侯外祖父子女也難斥  
言其母故遠言之公羊穀梁俱作蕭同姪子公

羊曰齊君之母穀梁曰蕭同姪子之母范甯集解蕭國  
也同姓也姪子字也其母更嫁齊惠公生頃公楚人滅

蕭故隨其  
母在齊

國佐曰使耕者東畝則是土齊也

晉以齊為  
已之土地

蕭同叔子齊君之母也齊君之母猶晉君之母也不可

請戰三戰不勝齊子之有也何必質晉人乃許之盟于

袁婁

在青州府臨淄縣西  
博物記臨淄有袁婁

使齊人歸魯汶陽之田

汶水  
注見

前田在汶水之  
北故曰汶陽

晉侯使鞏朔獻齊捷于王王弗見使單

子

襄公  
朝

辭焉曰兄弟甥舅侵敗王畧王命伐之告事而

已不獻其功所以敬親暱禁淫慝也今叔父克遂有功



于齊而不使命卿鎮撫王室。所使來撫余一人而鞏伯

實來未有職司于王室。

鞏朔為上軍大夫。名位不達王室。

又奸先王之

禮。

謂獻齊捷。

余雖欲于鞏伯。其敢廢舊典以忝叔父。夫齊甥

舅之國也。又大師之後也。寧不亦淫從其欲。以怒叔父。

抑豈不可諫誨。鞏朔不能對。王使委于三吏。

左傳注。三公也。左傳

疏曲禮曰。五官之長曰伯。其擯于天禮之如侯伯克敵子也。曰天子之吏。是知三公稱吏也。

使大夫告慶之禮。降于卿禮一等。王以鞏伯宴而私賄

之。使相告之曰。非禮也。勿籍。

冬十有一月。魯侯及楚人。秦人。宋人。陳人。衛人。鄭人。齊人。

曹人。邾人。薛人。

薛任姓國。注見前。

鄆人盟于蜀。

魯地。今泰安府泰安縣西有蜀亭。

初魯宣公求好于楚。會楚莊卒。

子審嗣。是為楚共。

宣公亦卒。

皆在

王十  
六年。不克作好。及魯侯即位。與晉盟。赤棘之盟在王十七年。赤棘晉地。

衛亦受盟于晉。從伐齊。故楚令尹嬰齊即子重。帥師侵衛。

遂及魯。仲孫蔑往賂公衡。成公子。為質。楚人許平。于是魯

侯與蔡侯。許男。秦右大夫說。宋華元。陳公孫寧。衛孫良

夫。鄭公子去疾。及齊國之大夫。盟于蜀。是役也。畏晉而

竊與楚盟。謂之匱盟。私竊為盟。盟終不固。匱乏之道也。蔡侯許男乘楚車。謂之失位。故春秋不書。

秋不書。

癸酉  
十有九年。冬。十有二月。晉作六軍。左傳注。僭王也。

韓厥。趙括。鞏朔。韓穿。荀騅。荀氏族。趙旃。皆為卿。賞鞏之功

也。韓厥為新中軍。趙括佐之。鞏朔為新上軍。韓穿佐之。荀騅為新下軍。趙旃佐之。

乙亥  
二十有一年。夏。梁山崩。梁山在陝西同州府韓城縣西北。接卻陽縣界。詩奕奕梁山。爾



雅。梁山晉望。水經注。河水南逕梁山原。是也。

梁山崩。壅河三日不流。晉侯以傳召伯宗。遇絳人。問之。

曰。國主山川。故山崩川竭。君爲之不舉。降服。損盛服。乘縵。

車無文。徹樂。息入音。出次。舍于郊。祝幣。陳玉帛。史辭。自罪責。以禮焉。

如此而已。伯宗遂以告。晉侯從之。

冬。十有一月。王崩。子夷立。是爲簡王。

十有二月。晉侯齊侯。宋公。文公子。魯侯衛侯。鄭伯曹伯。邾

子杞伯。同盟于蟲牢。卽桐牢。在河南開封府封邱縣。後漢書郡國志陳留郡封邱有桐牢亭。或

曰。古蟲牢。寰宇記。俗謂之桐渦。

初。晉侯以諸侯伐鄭。鄭公子偃。字子游。禦之。敗諸邱輿。

左傳注。鄭地。使皇戌如楚獻捷。事在王十九年。鄭襄公卒。子費嗣。是爲

悼公使公孫申即叔申疆許田。許人敗諸展陂。春秋彙纂注。許地在今河南許州西北。

鄭伯悼公伐許。取鉏。任。洽。敦之田。春秋彙纂注。俱在許州境西北。

晉欒書救許伐鄭。楚公子側救鄭。事在王二十年。鄭伯與許男

訟田于楚。鄭伯不勝。歸而請成于晉。于是諸侯盟于蟲

牢。鄭服也。明年。楚公子嬰齊伐鄭。晉欒書帥師救鄭。又

明年。晉侯復盟諸侯于馬陵。衛地。今直隸大名府元城縣有馬陵城。鄭獲

楚鄖公鍾儀。獻諸晉。晉囚鍾儀于軍府。晉侯見之。南冠而縶。使稅之。與之琴。操南音。范文

子曰。楚囚。君子也。盍歸之。使合晉楚之成。晉侯重爲之禮而歸之。事在簡王四年。





御批歷代通鑑輯覽卷之六

周

簡王

丙元年。晉遷于新田。今山西平陽府曲沃縣。有絳邑故城。即晉新田地。景公遷都于此。

晉人謀去故絳。左傳注。晉復命新田。為絳。故謂此為故絳。諸大夫皆曰。必居

郇瑕氏之地。今山西蒲州府臨晉縣。有瑕城。即郇瑕。晉有二瑕。其一。鄭燭之武所云焦瑕。在河南

陝州閿鄉縣。其一。即此。沃饒而近鹽。音古。說文。鹽。國利君樂。韓厥

曰。郇瑕水薄土淺。不如新田土厚水深。夫山澤林鹽。國

之寶也。國饒則民驕佚。近寶公室乃貧。民多逐末。田賦不供。不可

謂樂。晉侯從之。遷新田。

吳注見前。子乘。即壽夢。史記。泰伯無子。武王求仲雍之後。得周章。已君吳。因而封之。索隱。壽夢。仲雍十

韓厥謂山澤林鹽。今民驕而公貧。此雖沃土民淫之義。然管仲不用此。以伯齊乎。亦視經理之何如耳。



八代  
孫來朝。

壽夢始立朝王。適楚。觀諸侯禮樂。後與魯侯會于鍾離。

今江南鳳陽府鳳陽縣有鍾離故城。古鍾離子國。問周公禮樂。魯侯悉為陳之。

因咏歌三代之風。壽夢曰。孤在夷蠻。以椎髻為俗。豈有斯之服哉。因嘆而去。

丑丁  
二年。吳入州來。今江南鳳陽府鳳臺縣北。有下蔡故城。春秋州來邑。

初。楚莊圍宋。師還。公子嬰齊請申呂為賞田。申公巫臣曰。不可。楚莊乃止。嬰齊以是怨巫臣。公子側欲取夏姬。巫臣止之。而自取以奔晉。故側亦怨之。側與嬰齊遂殺巫臣之族。而分其室。巫臣自晉遺二子書曰。余必使爾罷于奔命以死。于是巫臣請使于吳。通吳于晉。教吳戰。

記載異辭考史不若證傳  
證傳又不若徵經春秋于  
魯成八年書晉殺其大夫  
趙同趙括不及趙朔也十  
年書晉侯獮卒去同括之  
殺二年而已據此則史記  
所載屠岸賈下宮之討程  
嬰之匿趙孤十五年不問  
而知其為妄不知邵子經  
世書何以採之

陣使之伐楚伐巢今江南廬州府巢縣周巢伯國伐徐至是八州來嬰  
齊側一歲七奔命蠻夷屬于楚者吳盡取之是以吳始  
大通于上國

戊寅三年晉殺其大夫趙同趙括

趙嬰齊通于趙朔之妻莊姬晉成公女趙同趙括放諸齊事在定王

二十一年朔妻以故譖于晉侯曰原屏將為亂晉侯討而殺

之趙武朔之子莊姬出諡文子從姬畜于公宮以其田與祁奚氏

畧奚獻侯之後食于祁因以韓厥言于晉侯曰成季之

勲謂趙衰宣孟之忠謂趙盾而無後為善者其懼矣乃立武

而反其田史記趙盾卒子朔嗣朔娶晉成公姊為夫人晉景公三年屠岸賈為司寇治靈公之賊攻

趙氏于下宮殺趙朔趙同趙括趙嬰齊滅其族朔妻有  
遺腹走公宮匿免身生男屠岸賈索之朔客公孫杵曰



與朔友程嬰曰。立孤與死孰難。嬰曰。死易。立孤難。杵臼曰。子彊爲其難者。我爲其易者。乃取他人兒。匿之。程嬰出。謬告諸將。攻殺公孫杵臼。及孤兒。程嬰以真孤匿山中。居十五年。景公疾。卜之。大業之後。不遂者爲祟。公問韓厥。厥知趙孤在。乃曰。大業之後。在晉絕祀者。其趙氏乎。具以實告。公乃以韓厥之衆脅諸將。立趙孤。名曰武。攻屠岸賈。滅其族。與趙武田邑如故。程嬰曰。我將下報趙宣孟。與公孫杵臼。遂自殺。此所載與左傳異。

孔穎達春秋正義曰。史記稱趙朔娶成公姊爲夫人。案傳。趙衰嫡妻。文公之女。若朔妻成公之姊。則亦文公之女。父之從母。不得爲妻。賈服先儒皆以爲成公之故。杜氏從之。史記又稱屠岸賈攻殺趙朔。趙同。趙括。案成二年傳。樂書將下軍。則朔已死矣。不得于此年。與同。括俱死。于時晉君明。諸臣強。無容有屠岸賈。賈廁其間。如此專恣。又稱公孫杵臼。取他兒代武死。程嬰匿武山中。因晉侯有疾。韓厥請立武爲趙氏後。與左傳背違。其說妄不可從。

己卯

四年。晉人執鄭伯。

悼公子成公睞。

楚人以重賂求鄭伯。鄭伯會楚公子成于鄧。

注見前。

尋鄭伯。

如晉。晉以其貳于楚。執諸銅鞮。

今山西沁州有銅鞮故城。在州西南。

欒書

伐鄭。鄭人使伯蠲行成。晉人殺之。鄭公孫申謀曰。我出

師以圍許。為將改立君者。而紆晉使。晉必歸君。遂圍許。

明年。鄭公子班

即子如。

聞叔申謀。立公子縵。

成公庶子。

鄭人殺

縵。立髡頑。

成公世子。

公子班奔許。欒書曰。鄭人立君。我執一

人焉。何益。不如伐鄭而歸其君。晉侯有疾。立世子州蒲。

是為厲公。

為君。而會諸侯伐鄭。鄭公子喜

字子罕。穆公子。

賂以襄鍾。

鄭襄公之廟鍾。

子然

穆公。

盟于修澤。

今河南懷慶府原武縣有修武亭。亦曰修魚。即春秋

修澤。

公子駢

字子駟。穆公子。

為質。鄭伯歸。討立君者。殺叔申。及其

弟叔禽。是夏。晉景公卒。

辛巳

六年。命王季子單于。取鄩田。

鄩音侯。今河南懷慶府武涉縣西南。有鄩人亭。即周



田。于晉。

晉卻至

即溫季。蒲城鵲居之子。諡昭子。

與王室爭鄆田。王使劉子

康公。即王

季子。單子

襄公。

訟諸晉。卻至曰。溫。吾故也。故不敢失。劉子

單子曰。昔蘇忿生以溫爲司寇。厥後蘇氏即狄。又不能

于狄而奔衛。

事見襄王二年。

襄王勞文公而賜之溫。

見襄王十七年。

氏

狐毛之子。漆爲溫大夫。

陽氏

陽處父居溫。

先處之。而後及子。若治其

故。則王官之邑也。

左傳疏。鄆是溫之別邑。襄王賜晉以溫。不賜以鄆也。鄆本未嘗屬晉。故曰

王官之邑。子安得之。晉侯使卻至弗敢爭。

七年。

晉士燮及楚公子罷許偃。

皆楚大夫。

盟于宋。

宋華元善于楚公子嬰齊。

時爲令尹。

又善于晉欒書。

時將中軍。聞

楚人既許晉成。

王之四年。晉歸楚鍾儀。楚使公子辰聘晉修好。五年。晉使糴莩如楚報之。遂

如楚復如晉。合晉楚之成。于是晉士燮會楚公子罷許偃盟于宋西門之外。鄭伯遂如晉受成。

癸未

八年。魯侯來朝。遂會晉侯齊侯。

頃公子靈公環

宋公衛侯鄭伯。

曹伯邾人滕人伐秦。

初。秦晉將會于令狐。晉侯先至。秦伯

桓公榮

不肯涉河。次

于王城。使史黶

秦大夫

盟晉侯于河東。晉卻犇

步揚之子。又名州。亦

曰苦盟秦伯于河西。

事在王六年

秦伯歸而背晉成。又召狄

與楚。欲道以伐晉。于是晉侯使卻錡

克之子。字駒伯。

如魯乞師。

魯侯至京師。以諸侯朝王。遂從王季子

即劉康公。

成子。

成肅公。

會晉侯。及諸侯之師伐秦。晉侯使呂相

魏錡子諡宣子。

絕秦。及

秦師戰于麻隧。

在今陝西西安府涇陽縣北。

秦師敗績。獲秦成差。及



不更女父左傳注。不更。秦爵。師遂濟涇。及侯麗春秋彙纂注。侯麗。劉伯莊云。在

涇陽而還。成肅公卒于瑕。先是成子受。服于社。不敬。劉謂命也。是以有動作禮義威儀之則。以定命也。國之大事。在祀與戎。今成子惰棄其命矣。其不反乎。

謂命也。是以有動作禮義威儀之則。以定命也。國之大事。在祀與戎。今成子惰棄其命矣。其不反乎。

乙酉 十年。晉侯執曹伯。歸于京師。

伐秦之役。曹宣公名廬。文公。卒于師。事在王八年。曹人使公子

負芻守。公子欣時即子臧。逆曹伯之喪。二子皆宣公庶子。負芻殺

其太子而自立。是為成公。事在九年。至是。晉侯及諸侯盟于戚。執

負芻以歸于京師。諸侯將見子臧于王而立之。辭曰。聖

達節。次守節。為君。非吾節也。敢失守乎。遂逃奔宋。後曹

人請負芻于晉。事在十一年。晉人使謂子臧曰。反。吾歸而君。

子臧反。晉釋曹伯。歸自京師。子臧盡致其邑與卿而不

出。

晉士燮齊高無咎。

固之子。

宋華元魯叔孫僑如衛孫林父。

良夫。

鄭公子魴邾人會吳于鍾離。

鍾離注見前。此會吳之始。亦晉以諸侯之大夫為會。

始之。

始通吳也。後魯仲孫蔑衛孫林父會吳于善道。

事在靈王四年。

吳使壽越如晉請聽諸侯之好。晉人使魯衛先會。

春秋彙纂注。阮勝之南兖州記云。盱眙。本吳善道地。今盱眙縣。隸江南泗州。

是年諸侯會吳于戚。後又會吳子壽夢于祖。

事在靈王九年。

春秋彙纂注。祖。今山東兖州府嶧縣泖口是也。

諸侯之大夫又會吳

于向。

事在靈王十三年。向。鄭地。今開封府尉氏縣西南有向城。

丙戌十有一年夏六月丙寅朔日有食之。

晉侯及楚子鄭伯戰于鄢陵。

即鄢。注見前。

楚子鄭師敗績。

吳通上國晉實啓之晉之通吳本欲藉以疲楚不知吳既抑楚即將抗晉黃池爭長已兆于鍾離之會矣



先是楚將北師。

事在王十年。

公子貞

卽子囊楚莊子。

曰新與晉盟而

背之不可。公子側曰敵利則進何盟之有。楚子遂侵鄭。

及暴隧。

鄭地。路史曰。暴辛公采邑。後爲鄭有。

復侵衛及首止。

注見前。

鄭公子

喜侵楚取新石。

春秋彙纂注。楚邑。在今南陽府葉縣界。

至是楚以汝陰之

田。

汝水南近鄭之田。

求成于鄭。鄭叛晉使公子騂從楚盟。于是

晉侯將伐鄭。士燮不欲。樂書曰。不可以當吾世而失諸

侯。師遂起。鄭人聞有晉師。使告于楚。楚子救鄭。遇于鄢

陵。士燮曰。惟聖人能內外無患。自非聖人。外寧必有內

憂。盍釋楚爲外患乎。甲午晦。楚晨壓晉軍而陳。樂書曰。

楚師輕窕。固壘而待之。三日必退。退而擊之。必獲勝。郤

至曰。楚有六間。

二卿相惡。王卒以舊。鄭陳而不整。蠻軍而不陳。陳不遠晦。在陳而罷。不可

失也。苗賁皇言于晉侯曰：「楚之良在其中軍王族而已。請分良以擊其左右，而三軍萃于王卒，必敗之。」晉侯從之。及戰，魏錡射楚子中目。楚子召養由基與之兩矢，使射錡，中項伏殺，以一矢復命。楚師薄于險，晉囚其公子茂。卻至從鄭伯，鄭伯之御，旦石首，納旌于殺中，乃免。旦而戰，見星未已。楚公子側命軍吏察夷傷，補卒乘，雞鳴而食，將復戰。穀陽豎獻飲于側，側醉。楚子召之，不能見。楚子曰：「天敗楚也夫。」乃宵遁。晉入楚軍，三日穀，士燮立于戎馬之前，曰：「君幼，諸臣不佞也。」不才也。何以及此？君其戒之。楚師還，公子側自殺。

丁亥十有二年冬十有二月丁巳朔，日有食之。晉殺其大夫卻錡、卻爰、卻至。



晉侯多外嬖。反自鄢陵。欲盡去羣大夫而立其左右。胥

童夷陽五。

國語作夷陽午。

長魚矯三人俱怨卻氏。

胥童。胥克子。卻缺爲政。廢

胥克。卻錡奪夷陽五田。卻驥與長魚矯爭田。執而梏之。

而嬖于晉侯。欒書以卻至

不從已而敗楚師。

鄢陵之戰。欒書欲固壘。卻至言楚有六間。必克之。

欲廢之。使

楚公子茷

鄢陵之戰所獲。

告晉侯曰。此戰也。卻至實召寡君。曰。

此行必敗。吾奉孫周

晉襄公之曾孫。

以事君。晉侯告欒書。書曰。

其有焉。盍使諸周而察之。卻至聘于周。欒書使孫周見

之。晉侯使覘之。信。遂怨卻至。胥童夷陽五帥甲八百將

攻卻氏。長魚矯請無用衆。晉侯使清沸魋

亦嬖人。

助之。三

卻將謀于榭。矯殺卻錡。卻驥于其位。卻至欲逃。矯及諸

其車殺之。胥童以甲劫欒書中行偃。

卽荀偃。荀庚之子。荀林父嘗爲中行。

遂以官為氏于朝請殺之晉侯弗許矯曰不殺二千憂必及

君遂出奔狄晉侯使書偃皆復其位初三卻害伯宗

卻氏其不免乎善人天地之紀也而驟絕之不亡何待

伯宗每朝其妻必戒之曰盍留士人怨其上子好直

言必及于難伯宗死子州犁奔楚  
子戌十有三年晉弑其君州蒲

晉侯使胥童為卿遊于匠麗氏嬖人樂書中行偃執晉

侯召士句士變之子士句辭召韓厥厥曰二三子不能

事君焉用厥也樂書中行偃殺胥童使程滑晉大夫弑晉

侯葬之于翼東門之外以車一乘先是諸侯伐鄭會于

侯視遠步高卻錡見其語犯卻擘見其語迂卻至見其

語伐單子曰晉將有亂其君與三卻當之乎君子目以

定體足以從之今晉侯目不在體而足不步目其心必

異矣卻氏晉之寵人也三卿而五大夫可以戒懼矣今



國語之譽公孫周未免太過然觀其初至清原時數詔而帖強臣其才固有大過人者朱子謂其儘勝桓文惜其冲齡入嗣在位不久而其臣又不過荀營魏絳之徒故僅成三駕之功而不能更有所進也

卻伯之語犯叔迂季伐犯則陵人迂則誣人伐則擄人有是寵也而益之以三怨誰能忍之未幾晉殺三卻及是厲公被弑

晉逆公孫周于京師立之是為悼公史記晉襄公少子捷號桓叔桓叔最愛生惠伯談談生周韋昭國語注晉不畜羣公子故談子周適周事軍襄公

晉樂書中行偃既弑厲公使荀營即智武子荀首別邑于智故又以智為氏

士魴

士會子亦曰彘共子

逆周子于京師而立之生十四年矣國語

周事單襄公立無跋視無旋聽無聳言無遠晉國有憂未嘗不戚有慶未嘗不怡襄公疾召其子頃公而告之

曰必善晉周將得晉國其行也文能文則得天地天地所胙小而後國晉仍無道而鮮胄其將失之矣必蚤善晉子其當之也大夫逆于清原注見前周子曰孤始願不及此雖

及此豈非天乎抑人之求君使出命也立而不從將安用君二三子用我今日否亦今日共而從君神之所福

也。對曰：羣臣之願也，敢不唯命是聽。盟而入朝于武宮。

逐不臣者七人。二月，卽位于朝。始命百官。施施恩舍舍勞。

役已責。止逋責。振廢滯，禁淫慝，薄賦斂，宥罪戾，使魏相卽。

相佐下軍士魴將新魏頡魏頡子別趙武與頡俱爲卿。荀家

樂驤韓無忌爲公族大夫使訓卿之子弟士渥濁爲太

使訓諸御。荀賓爲右，使訓勇力之士。祁奚爲中軍尉。羊

舌職佐之。魏絳爲司馬。張老爲候奄。鐸過寇爲上軍尉。

籍偃爲司馬。使訓卒乘。程鄭爲乘馬禦。使訓羣騶。荀

家荀會荀賓皆荀氏族。樂驤書之子韓無忌厥之子。右

行辛。其先將右行。以官爲氏。樂糾亦曰弁糾。樂氏族。羊

舌職。晉武公曾孫奚爲羊舌大夫。遂以爲氏。職叔向父。

魏絳。犇之子。籍偃。其先伯驤。司晉典籍。以官爲氏。程鄭。荀氏別族。羣騶。謂諸掌駕之官。凡六官之

長皆民譽也。

巳丑 十有四年。晉樂驤宋華元魯仲孫蔑衛甯殖俞之孫曹



人。莒人。邾人。滕人。薛人。圍宋彭城。

注見前。

初宋司馬蕩澤。

蕩氏。宋桓公子。蕩之後。澤亦曰子山。

殺公子肥。

宋文公子。

華元

為右師。

出奔晉。魚石

公子魚曾孫。時為左師。

止之于河上。華元遂復

入。以國人攻蕩氏。殺澤。于是魚石及向為入。

宋桓公子。字向父。

其後以字為氏。為人時為大司寇。

鱗朱。

桓公子鱗元孫。以名。為氏。朱時為少司寇。

向帶。

時為太宰。

魚府。

時為少宰。

俱出奔楚。

事在王十年。

楚子鄭伯伐宋。取彭城。魚

石遂入于彭城。

向為人。鱗朱向帶。魚府亦入焉。楚以三百乘戍之而還。

宋老佐。

戴公。

五世孫。時為司馬。

及華喜。

華父督元孫。時為司徒。

帥師圍之。楚令尹嬰齊

救彭城。伐宋。宋華元如晉告急。韓厥為政。曰。欲求得人。

必先勤之。成霸安疆。自宋始矣。晉侯遂以師救宋。遇楚

師于靡角之谷。

左傳注。宋地。

楚師還。晉使士魴如魯乞師。魯

仲孫蔑會諸侯于虛打。春秋彙纂注。虛打。補注。或云。即宋之虛。在今睢州界。

救宋。事在王十三年。是年魯成公卒。子午嗣。是為襄公。至是。諸侯之大夫圍彭

城。彭城降晉。晉人以宋五大夫在彭城者歸。寘諸瓠邱。

即壺邱。亦曰陽壺。其故城在今山西絳州垣曲縣。

王崩。太子泄心立。是為靈王。

靈王

庚寅元年。晉荀瑩齊崔杼。天之宋華元。魯仲孫蔑。衛孫林父。

曹人。邾人。滕人。薛人。小邾人。曹姓。邾俠之後。封于郕。今山東兗州府滕縣郕城是也。本

附庸。後進爵小邾子。會于戚。遂城虎牢。戚。虎牢。注。俱見前。

初。諸侯會于沙隨。今河南歸德府寧陵縣沙隨城是。尹子。周尹武公。及晉侯。

厲公。以諸侯伐鄭。事在簡王十一年。既而鄭公子駢侵晉虛滑。



左傳注。晉之二邑。

衛北宮括

卽懿子。衛成公會孫。

侵鄭。至于高氏。

今河南開封府。

禹州有。

楚人戍鄭。尹子單子。

單襄公朝。

會晉侯。

亦厲公。

及諸侯。

盟于柯陵。

左傳注。鄭西地。

以伐鄭。楚公子嬰齊救之。諸侯師還。

尋又伐鄭。楚再救之。諸侯復還。

事在簡王十二年。

彭城之役。

晉

韓厥帥諸侯之師伐鄭。入其郛。敗其兵于洧上。

事在簡王十四年。

洧水。出河南府登封縣馬嶺山。經鄭州。許州。合溱水。爲雙河。

至是。鄭伯疾。公子駢

請息肩于晉。鄭伯不可。旣卒。

子髡頑嗣。是爲僖公。

晉師。宋師。衛師。

侵鄭。鄭人不從。晉乃會諸侯之大夫于戚。以謀鄭。魯仲

孫蔑曰。請城虎牢。以偪鄭。晉人從之。鄭乃行成。明年。單

子會。晉侯及諸侯盟于雞澤。

今直隸廣平府雞澤縣西。南有會盟臺。卽春秋諸侯

盟。爲鄭服故也。

晉侯之弟揚干。亂行于曲梁。魏絳戮其僕。晉侯怒。謂羊舌赤曰。必殺魏絳。絳無失

祁奚之舉外內不避後世  
率以為賢然必舉者祁奚  
其人而所舉者又狐午其  
人然後可否則外舉務為  
名高內舉徇於所溺藉口  
古人適以濟私又何取焉

晉魏絳和戎五利與漢趙  
充國屯田十二事意同而  
辭亦類絳之語簡以該充  
國之語詳以盡然以言內  
弱而外強之時耳若夫知

也對曰絳事君不避難有罪不逃刑其將來辭言終魏  
絳至授僕人書將伏劍公讀其書曰臣聞師眾以順為  
武軍事有死無犯為敬君合諸侯臣敢不敬臣懼其死  
以及揚干無所逃罪請歸死于司寇公跣而出曰寡人  
之言親愛也吾子之討軍禮也子無重寡人之後二年  
過反役使絳佐新軍羊舌赤字伯華職長子後二年  
晉侯復會諸侯于戚鄭伯皆來會史記晉會諸侯于難  
者祁奚舉解狐解狐奚之仇復問舉其子午君子  
曰祁奚可謂不黨矣外舉不隱仇內舉不隱子

壬辰

三年晉大夫魏絳盟諸戎

無終子嘉父

無終山戎國名子爵嘉父字也今順天府薊州有無終故城即無終子國使孟

樂

無終之臣

如晉因魏絳納虎豹之皮以請和諸戎晉侯曰

戎狄無親而貪不如伐之魏絳曰諸侯新服將觀于我

我德則睦否則攜貳勞師于戎諸華必叛晉侯曰然則

莫如和戎乎對曰和戎有五利焉戎狄薦聚也居貴貨

聚也居貴貨



幾制勝能自樹立者固不可執一而論矣

易輕也。土土可賈焉。一也。邊鄙不聳。民狎其野。穡人成

功。二也。戎狄事晉。四鄰振動。諸侯威懷。三也。以德綏戎。

師徒不勤。甲兵不頓。四也。鑒于后羿。有夏之衰。羿因夏

寒浞殺之。事詳見前。而用德度。遠至邇安。五也。君其圖之。晉侯說

乃使魏絳盟諸戎。

已癸巳四年。諸侯戍陳。

初。楚公子壬夫即子辛為令尹。侵欲于小國。多欲無厭。害小國。雞

澤之盟。陳侯使袁僑左傳注。轅濤塗四世孫。如會求成。事在二年。楚司

馬公子何忌遂侵陳。會陳成公卒。子溺嗣是為哀公。楚人聞喪。

乃止。陳人卒不聽楚命。楚彭名侵之。使頓今河南陳州府項城縣北

有南頓故城。古頓子國。漢書地理志。應劭注。頓迫于陳。其後南徙。故號南頓。間陳而伐之。陳

人圍頓。

事在三年。

至是。晉侯合諸侯于戚。以成陳。楚令尹公

子貞。

楚人討陳叛故。知由令尹子辛。乃殺子辛。而以子囊為令尹。

帥師伐陳。

晉士魴曰。楚人

討貳而疾伐陳。陳近于楚。能無往乎。

晉侯復合諸侯于城棣。

今河南開封府陽武縣北。

有南棣。北棣。二城。即春秋城棣。

以救之。後楚公子貞圍陳。晉侯率諸侯

會陳侯于鄆。

是時。鄭伯會鄆。公子騂相。使賊夜弑鄭伯。以瘡疾赴于諸侯。立子嘉。是為簡公。鄆。鄭

地。陳人患楚。使告陳侯于會曰。君若不來。羣臣不忍宗

廟社稷。懼有二圖。陳侯逃歸。

事在王六年。

丁酉

八年。晉侯。宋公。魯侯。衛侯。曹伯。莒子。邾子。滕子。薛伯。杞

伯。小邾子。齊世子光。伐鄭。同盟于戲。

即戲童。在河南開封府汜水縣南。水經注。

汜水出浮戲之山。是也。

鄭既與晉成。公子發。

即子國。穆公子。

公孫輒。

即子耳。穆公孫。

侵蔡。獲其



司馬公子燮

蔡莊公子

諸侯會于邢邱

即今河南懷慶府溫縣平臯故城漢書地理志河南郡平

臯晉曰邢邱

鄭伯獻捷以聽命

是會晉侯以命朝聘之數使諸侯之大夫

聽命魯季孫宿齊高厚宋向戌衛甯殖邾大夫會之

季孫宿行父之子諡武子高厚固之子向戌宋桓公子

胙之

于是楚公子貞帥師伐鄭

子駟曰姑從楚以紓吾民晉師至吾又從之犧

牲玉帛陳于二境以待强者而庇民焉子展曰小所以

事大信也晉君方明四軍無闕八卿和睦必不棄鄭不

如完守以老楚仗信以待

晉子駟曰從楚駢受其咎

鄭及楚平

事在王七年

晉侯率諸

侯伐鄭師于汜

鄭有二汜東汜在新鄭南汜在襄城此東汜也秦晉圍鄭秦軍汜南即此鄭

人恐復行成于晉中行偃曰遂圍之以待楚人之救而

與之戰智罃曰許之盟而還師以敝楚吾三分四軍與

諸侯之銳以逆來者于我未病楚不能矣猶愈于戰乃

許鄭成同盟于戲晉師還晉侯謀所以息民者魏絳請

施舍。自公以下。苟有積者。盡出之。國無滯積。亦無困人。

公無禁利。亦無貪民。所以幣更。不用賓以特牲。器用不

作。仍其舊車服從給。止足給事行之期年。國乃有節。三駕而楚

不能爭。左傳注。三駕。三與師也。一師于牛首。二師于向。三觀兵于鄭東門。自是鄭遂服。

戊戌九年。晉侯使士匄平王室。

先是。王使王叔陳生。王叔。周卿士。愬戎于晉。王叔貳于戎。晉

士魴執之以如京師。事在四年。及是。王叔與伯輿。王卿士。爭政。

王右伯輿。王叔怒而出奔。及河。王復之。不入。晉侯使上

匄平王室。王叔之宰。與伯輿之大夫瑕禽。坐獄于王庭。

士匄聽之。曰。天子所右。寡君亦右之。所左。亦左之。使王

叔與伯輿合要。王叔不能舉其契。春秋疏。使其兩相辨答。伯輿詞直。王叔不



侯國制應二軍然費誓稱  
魯人三郊三遂說者以為  
大國三軍之証則魯有三  
軍舊矣魯領兵車千乘公  
徒三萬即三軍也然前此  
屬之公家而自季孫宿三  
分公室之後三軍皆歸私  
室此春秋所以書作歟

能舉要契之詞也

王叔奔晉單子

頃公子靖公

為卿士以相王室

己亥

十年魯作三軍

魯季孫宿告叔孫豹

得臣之子穆子

請為三軍

左傳注魯上下二軍皆屬于公

有事三卿更率以征伐季氏欲專其民人故假立中軍因以改作

各征其軍豹不欲宿

固請之乃盟諸僖閔

僖公廟門

詛諸五父之衢

元和志五父衢在曲阜縣

東正月作三軍三分公室各有其一三子各毀其乘

各

壞其舊時車乘分以足成三軍使各自屬其軍

季氏使其乘之人以其役邑入

者無征

春秋疏役謂共官力役則今之丁也邑謂賦稅若今之租調也以其役與邑皆來季氏者則公

室無

不入者倍征

若不入季氏者則使公家倍征之毆之使入已也

孟氏使半

為臣若子若弟

取其子弟之半為臣四分其乘之人以三歸公而取其

叔孫氏使

盡為臣

盡取子弟以其父兄歸公

傳稱悼公三駕楚不能爭然考平首以後晉楚並未交兵者十二年此非晉能制楚也蓋以吳乘楚後力有不暇故鄭亦一意從晉耳說者以成虎牢為得控制之宜殊未曉當日情事

晉侯宋公魯侯衛侯曹伯齊世子光莒子邾子滕子薛伯杞伯小邾子伐鄭會于蕭魚春秋彙纂注蕭魚鄭地路史曰少昊後嬴姓國修魚即蕭魚也

戲之盟晉人不得志于鄭復以諸侯伐之門其三門而

還尋楚子伐鄭鄭又及楚平子駟將與楚成子孔子螭背之可乎于駟子展曰要盟無質背之可也乃及楚平

事在王八年子孔即公子嘉穆公子子螭即公孫董之子游使公孫輒從楚公子貞伐宋又使皇耳皇耳子侵衛

衛人追之獲輒復受楚令伐魯圍蕭克之魯仲孫蔑曰鄭其有災乎

師競已甚于是晉侯會諸侯伐鄭師于牛首初鄭子駟與尉禦諸侯之師而黜其車尉止獲又抑之弗使獻尉止乃

帥賊攻西宮之朝殺子駟子國子耳劫鄭伯以如北宮

子國之子子產攻盜于北宮殺尉止牛首諸侯之師

今河南開封府牛首城是子產即公孫僑



城虎牢而戍之。晉師城梧。

春秋彙纂注。梧。杜預曰。鄭地。案隋書。滎陽縣有梧桐澗。或

卽是梧也。

卽成臯。在開封府滎陽縣。

士魴。魏絳戍之。鄭及晉平。此三駕之

一。楚公子貞救鄭。諸侯之師還。

繞也。

鄭而南。楚師不退。

師遂進。與楚夾潁。

潁水。出河南登封縣潁谷。至江南潁上縣入淮。

而軍。鄭公孫

薑與楚人盟。

子蟜曰。諸侯必不戰矣。從之。將退。不從。亦退。退。楚必圍我。不如從楚。亦以退之。宵涉

潁。與楚人盟。

樂驥欲伐鄭。師苟罄不可。侵鄭北鄙而歸。楚人

亦還。

事皆在王九年。

鄭公孫舍之。

卽子展。

子侵宋。

鄭人患晉楚之故。諸大夫

曰。楚弱于晉。何由而使晉師致死于我。楚弗敢敵。而後可固與也。子展曰。與宋爲惡。諸侯必至。吾從之。盟。楚師

至。吾又從之。則晉怒甚矣。晉能驟來。楚將不能。吾乃固與晉。大夫說之。于是子展遂侵宋。以致諸侯。晉侯

復會諸侯。師于向。

注見前。

伐鄭。鄭人行成。同盟于亳城北。

此三駕之二。亳城。在今偃師。楚公子貞乞師于秦。以伐鄭。鄭伯逆

之伐宋。晉侯乃會諸侯。悉師以復伐鄭。觀兵于鄭東門。

鄭使良霄。

即伯有子耳之子。考左傳。鄭七穆。皆穆公子。子良之後為良氏。子游之後為游氏。子國之後為國氏。子罕之後為罕氏。子駟之後為駟氏。子印之後為印氏。子豐之後為豐氏。皆以字為氏。

石奩。

亦作石孟。如楚。告將服于晉。楚人執之。後復歸于鄭。使王子伯駢行成。

晉趙武入盟鄭伯。鄭公孫舍之出盟晉侯。會于蕭魚。是為

三駕赦鄭囚。皆禮而歸之。鄭人賂晉侯以師惺。師觸。師蠲。

皆樂師。歌鐘二肆。肆。列也。縣鐘十六為一肆。二肆。三十二枚。及其鏜磬。女樂二

八。晉侯以樂之半賜魏絳。曰。子教寡人和諸戎以正諸

夏。八年之中。九合諸侯。史記集解。服虔曰。九合。一會。戚二會。城棣。三會。鄆。四會。邢邱。五

盟戲。六會。柵。七戌。虎牢。八盟。亳城。九會。蕭魚。如樂之和。無所不諧。請與子樂

之辭曰。國之福也。君之靈也。二三子之勞也。臣何力之



有焉。抑臣願君安其樂而思其終也。書曰：居安思危，思則有備，有備無患。敢以此規。晉侯曰：子之教，敢不承命。賞則不可廢也。子其受之。魏絳于是有金石之樂。晉悼公復霸。

庚十有一年。吳子乘卒。

壽夢四子。長諸樊。

春秋經書過。

次餘祭。

左傳作戴。

次餘昧。

左傳作夷未。

次季札。季札賢。壽夢欲立之。季札讓。乃立諸樊。諸樊已

除喪。讓位季札。季札辭曰：曹宣公之卒，諸侯不義。曹君

成公負芻也。事見簡王八年。

將立子臧。子臧去之。君子曰：能守節。札

雖不才。願附子臧。以無失節。固立之。棄其室而耕。乃舍

之。

春秋時風教衰微。擯奪相尋。廢親蔑義。其能超然遠引者。惟魯叔肝曹子臧衛子鮮及季札數人耳。歐陽修撰五代史。僅得獨行者三人。春秋時亦然。

辛丑十有二年。晉復三軍。晉于三軍之外。作三行。又作六軍。至是始復大國三軍之制。

晉侯蒐于綿上。即綿上聚。注見前。以治兵。使荀偃將中軍。士句

佐之。趙武將上軍。韓起韓厥子。諡宣子。佐之。欒黶將下軍。魏絳

佐之。新軍無帥。晉侯難其人。使其什吏率其卒乘官屬。

以從于下軍。明年荀偃以諸侯之師伐秦。無功而還。晉人

謂之遷。遂舍新軍。伐秦之役。欒黶之弟鍼與士鞅馳秦師。鍼死。士鞅反。欒黶欲殺鞅。鞅奔秦。

秦伯問晉大夫誰先亡。對曰。欒氏。其在盈乎。秦伯曰。何故。對曰。武子之德在民。足庇其子。欒黶死。盈之善未能及人。武子所施沒矣。而黶之怨實章。將于是乎在。秦伯

以為知言。請于晉而復之。士鞅即范獻子。句之子。

壬寅十有三年。春二月乙未朔日有食之。

衛侯出奔齊。

衛侯戒孫林父甯殖食。皆服而朝。日旰不召。而射鴻于



圉。二子從之。不釋皮冠而與之言。二子怒。林父如戚。戚。卽戚城。

戚城。林父食邑。自獻公之立。林父置其重器于戚。而善晉大夫。孫蒯文子。入使。衛侯飲

之酒。使大師歌巧言之卒章。左傳注。巧言詩。卒章曰。彼何人斯。居河之麋。無拳無

勇。職爲亂階。公以喻文子。居河上而爲亂。大師辭。師曹請爲之。初。公有嬖妾。

琴。師曹鞭之。公怒。鞭師曹三百。故衛侯使歌之。遂誦之。

恐孫蒯。蒯懼。告林父。林父曰。君忌我矣。弗先必死。遂入

不解故。告蘧瑗。衛大夫。字伯玉。對曰。君制其國。臣敢奸之乎。遂行。從近

關出。衛侯使子蟜。子伯。子皮。三子皆羣公子。與林父盟。林父殺

之。衛侯如鄆。注見前。使子行。亦羣公子。于林父。又殺之。衛侯出

奔齊。齊人以邾寄衛侯。其復也。以邾糧歸。邾卽萊國。齊滅之爲邑。今山東萊州府掖縣是。衛人

立公孫剽。字子叔。穆公孫。是爲殤公。孫林父甯殖相之。以聽命于諸

湟梁之會諸侯皆在而大  
夫主盟說者以為春秋之  
大升降然大夫之盟蓋不  
始此前此盟吳於向盟陳  
於雞澤皆大夫也追而遡  
之翟泉之盟王人在晉文  
時已然易曰履霜堅冰至  
其所由來者漸矣

侯。晉侯問衛故于中行偃對曰衛有君矣。伐之未可以  
得其定衛以待時乎。于  
時會于戚以謀定衛。

癸卯十有四年。秋八月丁巳日有食之。

甲辰十有五年。晉侯。宋公。魯侯。衛侯。傷公。鄭伯。曹伯。莒子。邾

子。薛伯。杞伯。小邾子。會于湟梁。爾雅。梁莫大于湟梁。湟

濟源縣有湟水。東逕孟縣入河。大夫盟。

晉悼公卒。子彪立。是為平公。既葬。會諸侯于湟梁。宴于溫。使

諸大夫舞。曰。歌詩必類。齊高厚之詩不類。荀偃怒曰。諸

侯有異志矣。使諸大夫盟高厚。高厚逃歸。于是晉荀偃

宋向戌。魯叔孫豹。衛甯殖。鄭公孫蠆。小邾之大夫盟。曰。

同討不庭。



張氏洽曰春秋魯莊公十三年以前禮樂征伐自諸侯出而權未一也自桓文繼霸列國之政齊晉專之然猶在諸侯也自湟梁以後則皆曰大夫出矣故春秋于此書大夫盟著世變之益降也

丙午十有七年晉侯宋公魯侯衛侯鄭伯曹伯莒子邾子滕子薛伯杞伯小邾子同圍齊

齊貳于晉

土句假羽毛于齊而弗歸齊人始貳羽毛王者游車之旌齊私有之故假焉

故伐

魯圍成

事在王十四年

成魯邑今山東兗州府寧陽縣東北有成城

湟梁之會高厚

逃歸齊再伐魯魯使叔孫豹如晉言齊故

事在王十五年

齊人

以未得志于魯圍桃

今兗州府汶上縣桃鄉故城是

及防

高厚圍臧紇于防卿叔紇

臧疇臧賈

帥甲三百宵犯齊師齊師去之獲臧堅齊侯使夙沙衛唁之令無死堅不可以杙抉其傷而死防

注見前臧紇

即武仲文仲孫聊叔紇即叔梁紇臧疇臧賈武仲昆弟復使邾人伐魯南鄙

事在王十六年齊人又伐魯北鄙于是晉侯伐齊濟河會諸侯

于魯濟。古濟水。經齊魯之地。在齊者為齊濟。在魯者為魯濟。尋溴梁之言。同伐齊。

齊侯禦諸平陰。今山東泰安府平陰縣。有故城。在縣東北。即春秋齊邑。塹防門而

守之廣里。防門。在今平陰縣東北。水經注。防門北有光里。齊人音廣。與光同。即春秋所謂守之廣里

也。者。夙沙衛。齊靈公。寺人。曰。不能戰。莫如守險。弗聽。者。侯之士

門焉。齊人多死。齊侯登巫山。在今泰安府肥城縣西北。亦曰孝堂山。以望

晉師。晉人使司馬斥山澤之險。雖所不至。必旆而疏陳

之。斥。候也。疏。建旌旗。以為陳。示眾也。使乘車者。左實右偽。以旆先。偽。以衣服

為。人形。建旆。以先驅。輿曳柴而從之。齊侯見之。畏其眾也。乃脫歸。

夜遁。師曠告晉侯曰。鳥鳥之聲樂。齊師其遁。邢伯告中

上有鳥。齊師其遁。師曠。晉樂師。邢伯。韓氏。諸侯之師

別族。中行伯。即獻子。叔向。即羊舌肸。職次子。諸侯之師

入平陰。從齊師。遂克京茲。在平陰縣東南。克邾。今平陰縣西邾山是。圍廬。



今濟南府長清縣有門于雍門齊城焚之及郭秦周伐

荻范鞅之御以戈殺犬于門中孟莊子斬其櫛以為公

琴焚雍門及西郭南郭又焚申池之竹木及東郭北郭

子孟莊子即仲孫速獻又門于揚門齊西及東閭齊東

齊侯駕將走郵棠今萊州府平度州東南有棠鄉亦曰甘棠社即郵棠太子與郭

榮齊大夫扣馬曰師速而疾畧也將退矣君何懼焉且社

稷之主不可以輕乃止諸侯東侵及濊地理今釋濊水

山土人名為淮河東流折南及沂沂水注見前舊入于

北至萊州府昌邑縣入海泗今東流逕江南宿

遷縣淮為明年還自沂上盟于督揚春秋經諸侯盟于

駱馬湖督揚即祝柯也祝是秋齊靈公卒故太子光立是為

柯即祝阿注見前顏懿姬無子其姪驪聲姬生光以為太子既而廢光立

所嬖之子牙使高厚傅之風沙衛為少傅靈公疾崔杼

微逆光疾病而立之靈公卒莊公即位執子牙崔杼

杼設高厚風沙衛以高唐叛圍而克之醢衛于軍晉士

句帥師伐齊及穀。注見前。聞齊喪乃還。

楚公子午

字子庚。楚令尹帥師伐鄭。

鄭公子嘉欲去諸大夫將叛晉而起楚師以去之使告

楚令尹午午弗許。楚子使人問之午對使者曰諸侯方

睦于晉臣請嘗之若可君繼之不可收師而退可以無

害君亦無辱午遂帥師治兵于汾。

今許州襄城縣東北有汾邱城戰國策楚

北有汾陁之塞是也。

于是鄭公孫蠆良霄公孫黑肱。

字子張穆公孫子印子。

從鄭伯伐齊嘉及公孫舍之公孫夏。

字子西子駟之子。

守二子

知嘉謀完守入保嘉不敢會楚師楚師門于純門。

注見前。

信。

再宿也。

于城下而還涉于魚齒之下。

魚齒山在今河南汝州寶豐縣東南。

其下有澗水故曰涉。甚雨及之楚師多凍役徒幾盡晉人聞有楚



師。師曠曰。不害。吾驟歌北風。又歌南風。南風不競。楚必

無功。董叔

晉大夫

曰。天道多在西北。

歲在亥。亥月又建亥。故曰多在西北。亥。亥。

一名姬訾。亥之次也。

南師不時。必無功。羊舌肸

時為太傅

曰。在其君之

德也。明年。鄭人患嘉專政。討純門之難。公孫舍之。公孫

夏遂殺嘉而分其室。舍之當國。夏聽政。立公孫僑為卿。

戊申

十有九年。冬。十月。丙辰朔。日有食之。

巳酉

二十年。晉欒盈出奔楚。

初。欒黶娶于范匄。

即土匄。范。釋見後。

生盈。范鞅以其亡秦也。

范鞅

奔秦事見前。

怨欒氏。故與盈共為公族大夫。而不相能。欒黶

卒。欒祁

即黶妻。范匄女。范氏。堯後。故祁姓。

與其老州賓通。幾亡室。

言亂也。

矣。盈患之。祁懼討。愬于匄。曰。盈將為亂。鞅為之徵。盈素

好施士多歸焉。句因其多士也。信之時。盈佐下軍。句使

城著。

左傳注。晉邑。

而逐之。盈出奔楚。句殺其黨。

箕遺黃淵嘉父司空靖。邢

豫童叔。邢師申書。羊舌虎叔罷。于是知起中行。喜州。綽

邢蒯俱出奔齊。十子皆晉大夫。樂盈之黨。羊舌虎叔

弟。囚籍偃。羊舌赤。羊舌肸。祁奚言肸于句。乃免。

叔向曰。祁大夫

外舉不棄讐。內舉不失親。其獨遺我乎。于是祁奚老矣。聞之。乘駟而見范宣子。曰。謀而鮮過。惠訓不倦者。叔向有焉。社稷之固也。猶將十世宥之。以勸能者。若之何以。虎也。棄社稷。宣子說。與之乘。以言諸公而免之。不見叔向而歸。叔向亦不告免焉而朝。

秋九月。庚戌朔。日有食之。

冬十月。庚辰朔。日有食之。

晉侯齊侯宋公魯侯衛侯鄭伯曹伯。

成公子。武公滕。

莒子邾子會

于商任。

左傳注。地闕。



錮欒氏也。明年復會于沙隨。注見前。以錮之。

庚戌二十有一年冬十月庚子孔子生。是年為魯襄公二十二年。

孔子之先宋人也。

家語孔子宋之後宋襄公熙生弗父何及厲公方祀弗父以下世為宋卿。

何生宋父周周生勝勝生正考父考父生孔父嘉五世親盡別為公族故後以為氏焉。孔父生子木金父金父

生畢夷畢夷生防叔父叔梁紇家語防叔生伯夏伯夏避華氏之禍而奔魯。

年晉伐偃陽偃陽人啟門諸侯之士門焉縣門發耶人紇挾之以出門者又襄公十七年耶叔紇帥甲三百宵

犯齊師孔安國曰耶孔母顏氏家語叔梁紇生九女無子父叔梁紇所治邑。

乃求婚于顏氏顏氏三女其小曰徵在顏父問三女曰耶大夫聖王之裔其人身長十尺武力絕倫雖年大性

嚴不足為疑三子孰能為之妻徵在進曰從父所制父曰即爾能矣遂以妻之徵在既廟兒以夫之年長懼不

時有男而私禱以是年庚戌之歲十月庚子生孔子公

尼山以所焉。

傳魯襄公二十一年冬十月庚子孔子生。考是年十月為庚辰朔

經有明文。則庚子為二十一日。迄六旬而再得庚子。則當在十二月。不得在十一月也。杜預左傳注。孔子魯襄公二十二年生。至哀公十六年。七十三歲也。羅泌路史餘論。公羊子言十一月。是月固無庚子。孔氏家譜。祖庭記俱云。二十二年十月庚子。乃二十七日。周正十月。乃今之八月。今定著八月二十七日。為先聖孔子生日。羅氏之論如此。今以杜預春秋長歷合之。是年酉月。為甲戌朔。自甲戌推至庚子。為二十七日。酉月。今八月。周十月也。于魯昌平鄉鄆邑。括地志。昌平山在泗水縣南。孔子生昌平山。在曲阜縣東南。其東即尼山。又東為顏母山。連泗水。鄆縣界。鄆邑今曲阜縣東南。聊城是也。孔子生而圩頂。因名焉。為兒嬉戲。陳俎豆。設禮容。及長。為委吏。料量平。為司職吏。金氏前編注。職。讀為。穢。繫養犧牲之所。畜蕃息。魯仲孫纘。即孟僖子。孟莊子。庶子。孝伯。羯之子。使其子何忌。孟懿子。與南宮适。居南宮。因氏。字子容。諡敬叔。懿子庶兄。往學禮焉。史記。孟僖子病。誠其嗣懿子曰。仲尼。聖人之後。滅于宋。其祖弗父何。當有宋而讓厲公。及正考父。佐戴武宣三命。滋益恭。故鼎銘云。一命而僂。再命而傴。三命而俯。



循牆而走亦莫余敢侮。饘于是，粥于是，以餬余口。其恭如是，吾聞聖人之後，雖不當世，必有達者。仲尼年少好禮，其達者歟？吾卽沒，若必師之。

辛亥二十有二年春二月癸酉朔日有食之。

欒盈復入于晉。晉人殺欒盈。

盈自楚適齊。晏嬰

字平仲。晏弱之子。

諫齊侯曰：「商任之會，受命

于晉。今納欒氏，將安用之？弗聽。晉將嫁女于吳，齊侯使

析歸父媵之。以藩

車之有障蔽者。

載欒盈及其士，納諸曲沃。盈

夜見胥午

守曲沃大夫。

而告之。

言曰：「今也，得欒孺子何如？」對曰：「得主而爲之死，猶不死也，皆歎有沉者。」

行。又言：「皆曰：「得主何貳之有？」盈出，徧拜之。」

遂帥曲沃

之甲，因魏舒

終之子。諡獻子。

以人絳。

盈先佐魏絳于下。魏氏及

魏氏及

七輿大夫

下軍之屬。注見前。

與之。樂王鮒

諡桓子。晉大夫。

侍于范匄，或

告曰。欒氏至矣。樂王鮒使句奉晉侯如固宮。宮之有臺觀備守者

國語作襄公之宮使鞅迎魏舒。則成列既乘。將逆欒氏。鞅趨進

曰。鞅之父與二三子在君所矣。使鞅逆吾子。鞅請驂乘

遂超乘。右撫劒。左援帶。命驅之出。僕請。鞅曰。之公既至。

句逆諸階。執舒手。賂之以曲沃。使斐豹殺欒氏之力臣

督戎。斐豹。隸也。著于丹書。謂范句曰。苟焚丹書。我殺督戎。句許之。豹遂擊殺督戎。欒氏乘公

門。鞅用劒以帥卒。欒氏退。攝車從之。欒盈奔曲沃。晉人

圍而克之。盡殺欒氏之族。惟欒魴欒氏族出奔宋。

齊侯伐衛。遂伐晉。

齊侯伐衛。將自衛伐晉。晏嬰曰。君恃勇力以伐盟主。若

不濟。國之福也。不德而有功。憂必及君。崔杼亦諫弗聽。



遂伐晉取朝歌

注見前初為衛邑後為晉有

為二隊入孟門

注見前

登

太行

述征記太行山首始河內北至幽州凡百嶺連亘十三州之界有八陁其二曰太行陁元和志太行

陁在懷州河內今河內縣屬河南懷慶府春秋晉地

張武軍于熒庭

即陁庭注見前戊郛

邵

左傳注晉邑封少水

即澮水有二源一出翼城烏嶺山一出絳縣東北至曲沃縣合流入于汾

以報平陰之役師還復襲莒門于且于

莒地在今沂州府莒州

傷

股而退華還

即華周

杞殖

即杞梁

載甲夜入且于之隧明日

遇莒子于蒲侯氏

左傳注近莒之邑

莒子鼓之獲杞梁莒人行

成齊侯歸

禮記檀弓齊莊公襲莒于奪杞梁死焉其妻迎其柩于路而哭之哀莊公使人弔之對曰

君之臣不免于罪則有先人之敝廬在君無所辱命之臣免于罪則有先人之敝廬在君無所辱命

穀洛鬪

穀水出河南府澠池縣穀陽谷東流合澗水至洛陽縣西南入洛洛水注見前韋昭國語注兩水合

有似于鬪洛在王城南穀在王城北至靈王時穀水盛出于王城之西而南流入于洛

穀洛二水鬪。將毀王宮。王欲壅之。太子晉諫曰。不可。晉聞長民者。不墮山。不崇藪。不防川。不竇澤。是以民無夭昏。札瘥之憂。饑寒乏匱之患。故上下能相固。以待不虞。古之聖王。唯此之慎。今吾執政。無乃實有所避。違也。而滑音川。亂也。夫二川之神。使至于爭。明以妨王宮。王而飾之。無乃不可乎。王卒壅之。

壬子二十有三年。鄭伯朝晉。

先是。晉人徵朝于鄭。鄭少正公孫僑以辭却之。事在王

手。于時。晉范匄爲政。諸侯之幣重。鄭人患之。故鄭伯如

晉。公孫僑寓書于公孫夏。以告范匄。曰。子爲晉國。四鄰

諸侯。不聞令德。而聞重幣。僑也惑之。僑聞長國家者。非



無賄之患而無令名之難。夫諸侯之賄聚于公室。則諸侯貳。若吾子賴之。則晉國貳。諸侯貳。則晉國壞。晉國貳。則子之家壞。將焉用賄。象有齒以焚其身。賄也。范句說。乃輕幣。是年魯叔孫豹如晉。范句問曰。古人有言曰。死而不朽。何謂也。對曰。豹聞之。太上有立德。其次有立功。其次有立言。雖久不廢。此之謂不朽。

秋七月甲子朔日有食之既。

八月癸巳朔日有食之。

齊人來城郟。

注見前。

魯叔孫豹入聘。

是時穀洛鬪。王城毀。齊人方叛晉。欲求媚于王。乃爲王城郟。魯叔孫豹來京師聘。且賀城。王嘉豹有禮。賜之大路。

癸丑二十有四年齊崔杼弑其君光。

崔杼取棠公

棠邑大夫

之妻姜氏

棠公妻。東郭偃之姊。東郭偃臣崔杼。棠公死。偃御杼。

以弔。杼見棠姜美。遂取之。

齊侯通焉。驟如崔氏。以杼之冠賜人。杼因

是欲弑齊侯。且以說于晉。

齊侯方叛晉。

未獲間。會莒子朝于

齊。饗諸北郭。杼稱疾不視事。齊侯問杼疾。遂從姜氏。姜

入于室。與杼自側戶出。齊侯拊楹而歌。門閉。甲興。齊侯

踰墻走。射之中股。反隊。遂弑之。

賈舉州綽邴師。公孫啟封具鐸父。襄伊。偃堙。皆

死。祝佗父祭于高唐。至。復命。不脫弁而死。申。晏嬰立于

廟侍漁者。與其宰皆死。杼復殺饒蔑于平陰。晏嬰立于

崔氏之門外。門啟而入。枕尸股而哭。興三踊而出。

之。杼曰。民之望也。舍之。

杼立靈公子。杼曰而相之。

初。魯叔孫僑如奔齊。納其女于

靈公。生杼曰。慶封。

字子家。慶克子。

是為景公。慶封公子無虧孫。

為左相。盟國人于大



晏嬰固有可取者然既與  
盟又游其詞尤雖失德獨  
非其君哉如云不與其禍  
為是則太史氏之書為非  
歟

宮

太公廟

曰所不與崔慶者晏嬰仰天歎曰嬰所不惟忠

于君利社稷者是與有如上帝乃歆太史書曰崔杼弑

其君杼殺之其弟嗣書而死者二人其弟又書乃舍之

南史氏聞太史盡死執簡以往聞既書乃還

杼葬莊公于土孫之

里四娶不蹕下車七乘不以兵甲

時晉侯方會諸侯于夷儀

注見前本邢地後衛

滅邢為衛邑

伐齊以報朝歌之役齊人以莊公說使隰鉏

請成慶封如師以重賂

賂晉侯以宗器樂器自六正五吏三十帥三軍百官之正

長師旅及處守者皆有賂晉侯許之而告于諸侯初杼生子成及疆

而寡

偏喪曰寡寡特也

娶東郭姜生明因立明而使東郭偃棠

無咎

棠公子姜所出

相之廢成及疆二子怒欲殺偃無咎以告

慶封封曰難吾助汝成與疆遂殺偃無咎杼怒往見慶

封封曰。崔慶一也。是何敢然。請為子討之。使盧蒲嬖帥  
甲以攻崔氏。弗克。使國人助之。遂滅崔氏。殺成及疆。而  
盡俘其家。東郭姜縊。嬖反命于杼。且御以歸。至則無歸  
矣。杼乃縊。崔明夜辟諸大墓。開先人冢藏之。奔魯。事在王二慶  
十六年。  
舍之難。事具王二  
十七年。齊人求得杼尸。戮之于市。改葬莊公  
于北郭。

吳子遏即諸樊。伐楚。門于巢卒。

初。楚公子嬰齊伐吳。使鄧廖以組甲三百。被練三千。侵之。吳人要而擊之。

獲楚鄧廖。楚能免者。組甲八十。被練三百而已。事在王二年。自是吳楚兵爭不

息。王之十二年。楚共卒。吳伐楚。喪楚敗之庸浦。明年。楚  
公子貞伐吳。吳敗之。皐舟之隘。至二十三年。楚子為

舟師以伐吳。無功而還。庸浦。楚地。在今廬州府無為州南。皐舟之隘。左傳注。吳險阨之道。吳復召



舒鳩

舒國偃姓。今江南廬州府舒城縣有舒鳩城。羣舒之一。

使叛楚。楚令尹屈建

屈到子。

伐舒鳩。吳人救之。楚大敗吳師。遂滅舒鳩。

先是

五年。楚滅舒蓼。簡王十二年。楚滅舒庸及舒鳩。滅羣舒遂絕。

至是。吳諸樊伐楚。門于

巢。

注見前。

巢牛臣曰。吳君勇而輕。若啟之。將親門。我獲射

之。必殪。從之。吳子門焉。牛臣隱于短墻以射之。諸樊卒。

授國餘祭。後餘祭被弑。

吳伐越。獲俘焉。以為閹。使守舟。餘祭觀舟。閹以刀弑之。

弟

餘昧立。

甲寅

二十有五年。衛甯喜

卽悼子。

弑其君剽。衛侯衎復歸于衛。

初甯殖疾。召其子喜曰。吾得罪于君。悔而無及。名藏在

諸侯之策。曰。孫林父甯殖出其君。君入則掩之。若能掩

之。則吾子也。喜許諾。

事在王十九年。至是衛侯衎在夷儀。

不敢問君之出遂行不敢  
聞其入亦遂行伯玉固賢  
乎則長樂老亦不可謂過  
矣

逆獻公于齊將使衛與之夷儀獻公遂入于夷儀事在王二十四年使其母弟鱣字子謂

喜曰苟反政由甯氏祭則寡人喜告蘧瑗瑗曰瑗不得

聞君之出敢聞其入遂行從近關出告右宰穀右宰穀

不可喜曰吾受命于先人不可以貳時孫林父在戚孫

嘉聘齊孫襄即伯居守嘉及襄皆喜與右宰穀攻孫氏

不克喜出舍于郊伯國傷而死國人召喜喜復攻之遂克弑殤公殺其子角衛侯遂

入孫林父入于戚以叛衛人伐戚林父愬于晉晉戊茅

氏左傳注戚東鄙殖綽齊人伐茅氏殺晉戊三百人孫蒯追之

殖綽獲晉趙武會魯侯及諸侯之大夫于澶淵亦曰繁淵今謂之澶

州陂在直隸大名府開州西南古澶水所經故名討衛疆戚田取衛西鄙懿氏

六十左傳注戚城西北有懿城因姓以名城取田六十井也今開州西北有故懿城址以與孫



氏衛侯如晉晉執而囚之衛人歸衛姬于晉乃釋衛侯

衛侯既歸甯喜專公孫免餘衛大夫請殺之遂攻甯氏殺

喜及右宰穀尸諸朝初太叔儀聞喜將納衛侯曰甯子

舉棋不定不勝其耦况置君而弗定乎必不免矣九世

之卿族一舉而滅之可哀也哉至是果敗太叔儀諡

文子衛文公子鱣出奔晉鱣曰逐我者出納我者死賞

公之孫之遂奔晉公使止之不可托于木門不向衛國而坐木

門大夫勸之仕曰吾不可以立于人之朝矣終身不仕

事在王二十六年木門晉邑

乙卯二十有六年晉趙武楚屈建魯叔孫豹蔡公孫歸生衛

石惡石買子陳孔奐鄭良霄許人曹人盟于宋

春秋至魯襄末列國之困於兵甚矣合晉楚之成藉以稍緩生民之塗炭故盟

宋向戌善于晉趙武又善于楚令尹屈建欲弭諸侯之兵以爲名如晉告趙武武以韓起言許之如楚楚亦許

宋以後兵雖未能盡弭而中國無大侵伐者幾十年不可不謂之小有功穀梁以為晉趙武楚屈建之力而不知亦向戌之力也後儒乃以二伯為成罪可謂虐古

之遂如齊且告于秦皆許之乃徧告于諸國為會于宋

晉趙武先至宋宋人享之叔向為介諸侯之大夫及邾滕之君先

後至丙午鄭良霄至戊申魯叔孫豹齊慶封陳須無衛

公至石惡至甲寅晉荀盈至丙辰邾悼公至戊辰滕成

文子敬仲曾孫楚公子黑肱即子皙成言于晉宋向戌

如陳從令尹子木成言于楚成晉楚盟載之言兩相然可楚屈建至自陳

陳孔奭蔡公諸侯從晉楚者釋齊秦交相朝見子木謂向戌曰

晉楚之從交相見也向戌復趙孟趙孟曰晉楚齊秦匹

也楚若能使秦君辱于敝邑寡君敢不固請于齊向戌復子木子木使駟謁諸王王曰釋齊將盟伯夙謂趙孟

秦他國請相見也故齊秦不與盟懼楚人衷甲趙武患之羊舌肸曰以信召人而以僭信不

難也濟之必莫之與也安能害我乃盟齊人請邾宋人請滕皆不與盟晉

楚爭先羊舌肸謂趙武曰子務德無爭先且諸侯盟小



樂喜之言自是經國正論  
腐儒不知乃云恐貽佳兵  
者曰實真醜雜之見耳

國固必有尸盟者

小國主辦具

乃先楚人盟于宋蒙門之外

諸侯之大夫歸宋向戌請賞宋公與之邑以示樂喜

司

城子罕

喜曰天生五材民並用之廢一不可誰能去兵

兵之設久矣所以威不軌而昭文德也聖人以興亂人以廢廢興存亡昏明之術皆兵之由也而求去之不亦誣乎向戌乃辭邑

冬十有二月乙亥朔日有食之

丙辰

二十有七年齊慶封奔魯

慶封與子舍政

舍字子之封當國不遷其內實于盧蒲

自為政以付其子舍

嬖氏易內而飲酒國遷朝焉

諸大夫就盧蒲氏朝封

反亡人之難

出奔

盧蒲癸癸臣舍有寵舍妻之

舍之士謂癸曰男女辨姓子不辟宗何也

阿睦爾撒納所娶德勒克  
多爾濟者達什之女而阿  
睦爾撒納之妹庫克又為  
達什子諾木庫之妻當阿  
睦爾撒納欲吞噶達什部  
落誘而殺之德勒克多爾  
濟及庫克皆預謀此與盧  
蒲姜情事正同則是春秋  
列國之人已有淮夷衰世  
之行矣

癸曰。賦詩斷章余取所求焉惡識宗慶與盧蒲皆齊之宗故舍之士云。癸言王何而反之。

二人皆嬖。二人皆莊公故臣今還求使執寢戈。親近而

先後之。二人因謀攻慶氏。卜之。示舍兆曰。或卜攻讐。敢

獻其兆。舍曰。克見血。慶封田于萊。即經注盧蒲姜。癸妻

舍知癸謀。謂癸曰。夫子復莫之止。將不出。我請止之。癸

曰。諾。時當嘗于大公之廟。慶舍蒞事。盧蒲姜告舍。且止

之。弗聽。曰。誰敢者。遂如公。盧蒲癸王何執寢戈以從。遂

殺慶舍于廟。慶封歸。遇告亂者。伐門而入。攻公宮。弗克。

請戰。弗許。乃奔魯。封獻車于季武子。美澤可以鑑。展莊

展禽族。叔既而齊人讓魯。封奔吳。吳與之朱方。今江南

丹徒縣。吳封聚族而居焉。封富于其舊。魯子服惠伯謂



富矣。穆子曰：善人富，謂之賞；淫人富，謂之殃。天其殃之也。其將聚而殲旃？子服惠伯、仲孫蔑、子它，別爲子服氏。惠伯，它之。後楚子伐吳，殺慶封而盡滅其族。事詳後。

王崩

諡曰靈。京在河南城西南栢亭，西周山上。

太子晉早卒。次子貴立。

是爲景王。

景王

己巳元年。吳子使札聘于魯，及齊、鄭、衛、晉。

札至魯，請觀周樂。

歌周南、召南、列國之風、小雅、大雅，及頌、舞、象、箏、南、籥、大武、韶、濩、大夏、至

韶、箏。札曰：德至矣哉！大矣，如天之無不幬也；如地之無

不載也。觀止矣！若有他樂，吾不敢請已。札見叔孫豹而

說之，謂曰：君子務在擇人。子爲魯宗卿，而任其大政，不

慎舉，何以堪之？遂聘于齊，說晏嬰。謂曰：子速納邑與政，

乃免于難。

晏子因陳桓子納邑與政，遂免樂高之難事見後。

陳桓子，名無宇，文子之子。及鄭

聞樂知政，不過于聲容之際，得其想像而已。何季札觀樂歷論不爽分毫，然此猶事後之言。至其聘諸國，交納名卿料事，幾先若合符契，語多傳會。左氏所以失誣也。

見公孫僑如舊相識。與之縞帶子。產獻紵衣焉。謂曰：鄭之執政侈。謂伯

有難將至矣。政必及子。子為政，慎之以禮。不然，鄭國將

敗。適衛，說蘧瑗、史狗。史朝之子。史鯀，即史。公子荆、公子

朝。皆衛大夫。公叔發。獻公孫。諡文子。曰：衛多君子，未有患也。自衛如

晉，將宿于戚。孫林父邑。聞鐘聲，曰：異哉！夫子獲罪于君，以在

此。林父以戚叛。猶燕之巢于幕上，君又在殯。獻公方卒。而可以樂

乎？遂去之。林父聞之，終身不聽琴瑟。適晉，說趙武、韓起、魏舒。曰：晉國

其萃于三族乎？說羊舌肸，將行，謂之曰：君侈而多良。謂

以惡人為良而善之。大夫皆富，政將在家。吾子好直，必思自免于

難。

戊午二年，蔡世子般。音班。弑其君固。文公子。景公。



蔡侯爲太子般娶于楚。通焉。般弑。蔡侯遂自立。是爲靈公。立十

二年。爲楚靈王所殺。事具後。

宋災。伯姬。魯宣公女。宋共公夫人。卒。

宋火災。火及伯姬之舍。左右曰。夫人少避火乎。伯姬曰。婦人之義。傅母不在。宵不下堂。左右又曰。夫人少避火乎。伯姬曰。婦人之義。保母不在。宵不下堂。遂逮乎火而死。既葬諡曰共。

王殺其弟佞夫。靈王子。王子瑕奔晉。

初。王儋季。靈王弟。卒。其子括將見王而歎。單公子愆期。單靖

公之弟。爲靈王御士。過諸廷。愆期行過王廷。聞其歎而言曰。烏乎。

必有此夫。欲有此朝廷之權。入以告王。且曰。必殺之。不憾而願。

大視躁而足高。心在他矣。不殺必害。王曰：童子何知？及

靈王崩，儋括欲立王子佞夫。佞夫弗知，儋括圍焉。為氏食邑

注見逐成愆。為邑大夫成愆出奔。尹言多。尹氏之後劉毅。劉子甘

過。子帶食邑于甘。今河南府洛陽縣。諡悼公。單蔑。單子之族。鞏成。鞏伯

食邑于鞏。今河南府鞏縣是也。殺佞夫。王子瑕奔晉。儋括及廖同奔。

鄭以公孫僑為政。

鄭良霄嗜酒，為窟室。地室也。而夜飲。朝至未已，既而朝。使

公孫黑。即子皙。子駟子。如楚。先是伯有使黑如楚。黑以楚鄭方

夫和之事。歸而飲酒。公孫黑以駟氏之甲伐而焚之。良

霄奔雍梁。今河南開封府禹州。有雍城。即鄭雍梁地。醒而後知之。于是鄭大

夫皆受盟于駟氏。良霄聞之，怒，自墓門。鄭城門。之瀆入介



孔子以子產為古之遺愛  
而稱其使民則曰義今觀  
其初政固非以煦煦為愛  
者矣惟能行其義所以卒  
成其愛不然民之不慢者  
幾何

于襄庫伐舊北門駟帶公孫夏之子字子上率國人以伐之良霄

死于羊肆公孫僑穉之殯而葬諸斗城鄭邑在今開封府陳留縣

氏欲攻之罕虎即子皮之子不許而授僑以政僑辭曰國

小而偏族大寵多不可為也虎曰虎率以聽誰敢犯子

子善相之僑為政使都鄙有章國都及邊鄙尊卑各有分部上下有

服公卿大夫服不相踰田有封洫封疆洫溝也廬井有伍廬舍也九夫為井使五家

相保大人謂卿大夫之忠儉者從而與之泰侈者因而斃之

一年輿人衆人也誦之曰取我衣冠而褚畜而藏也之取我田

疇而伍之孰殺子產吾其與之及三年又誦之曰我有

子弟子產誨之我有田疇子產殖之子產而死誰其嗣

之鄭人游于鄉校以論執政然明曰毀鄉校如何子產曰何為夫人朝夕退而游焉以議執政之善否其所

善者。吾則行之。其所惡者。吾則改之。是吾師也。若之何。  
毀之。子皮欲使尹何為邑。子產曰。少。未知可否。子皮曰。愿。吾愛之。使夫往而學焉。夫亦愈知治矣。子產曰。不可。僑聞學而後入政。未聞以政學者也。若果行此。必有所害。然明。後公孫黑將為亂。欲去游氏。而代其位。以疾作不果。僑即黜茂。

使吏數之。

數其罪。

曰。女有亂心。無厭國。不女堪。不速死。大

刑將至。黑乃縊。僑尸諸衢。加木焉。

書罪于木。以加尸上。事在王五年。

三年。魯侯午卒。子稠立。

是為昭公。

魯襄公卒于楚宮。

先是公作楚宮。叔孫豹曰。君欲楚也。夫若不復適楚。必死是宮也。至是卒

于子野立。

敬歸之子。

以毀卒。

過哀。

季孫宿乃立稠。敬歸弟。于

是年十九矣。猶有童心。

居喪不衰。比及葬。三易衰。

識者知其不能終

焉。

魯襄公卒之月。鄭公孫僑相鄭伯如晉。晉侯以魯喪未見。僑使盡壞其館之垣。而納車馬焉。士句讓之。對

曰。敝邑褊小。介于大國。誅求無時。是以不敢寧處。悉索敝賦。以來會時事。逢執事之不閒。而未得見。不敢輸幣。



亦不敢暴露。今諸侯之館。門不容車。而不可踰越。盜賊公行。而天厲不戒。賓見無時。命不可知。若又勿壞。是無所藏幣以重罪也。敢請執事。將何所命。士智復命。趙武曰。信。使句謝不敏。晉侯見鄭伯。有加禮。厚其宴好而歸之。乃築諸侯之館。

庚申

四年。晉趙武。楚公子圍。

楚共子。

齊國弱。

諡景子。國佐子。

宋向戌。魯

叔孫豹。衛齊惡。

公羊作石惡。

陳公子招。

陳哀公母弟。

蔡公孫歸生。鄭

罕虎。許人。曹人。會于虢。

故東虢國。後為鄭滅。

楚公子圍聘于鄭。且娶于公孫段。

即伯石。穆公子子豐之子。氏為介。

將入館。鄭使行人子羽與之言。乃館于外。既聘。將以衆逆子。使子羽辭焉。伍舉知鄭有備。乃請垂橐而入。

伍舉伍參子。亦曰椒。舉子羽。即公孫揮。

遂會于虢。尋宋之盟也。圍請用牲。

讀舊書。加于牲上而已。晉人許之。

先是莒展輿弑其君犁比公。而自立。既而

齊納其弟去疾于莒。展輿奔吳。于是莒亂。季孫宿取鄆。至是莒愬于會。楚欲戮魯使。趙孟為魯固請。乃免叔。

犁比公名州密。渠邱公季侔子。王使劉子。劉定公名夏。勞趙武于潁。

注見前。館于洛汭。亦見前。劉子曰：美哉禹功，明德遠矣。微禹，

吾其魚乎？吾與子弁冕端委以治民，臨諸侯，禹之力也。

子盍亦遠績禹功，而大庇民乎？對曰：老夫罪戾是懼焉。

能恤遠，吾儕偷食，朝不謀夕，何其長也？劉子歸，以語王。

曰：諺所謂「老將知而耄及之者」，其趙孟之謂乎？為晉正

卿，以主諸侯，而儕于隸人，朝不謀夕，棄神人矣。何以能

久？是年冬，趙武卒。

晉荀吳中行偃之子，諡穆子。敗狄于大鹵。即太原，注見前。

晉荀吳敗無終。注見前。及羣狄于太原，崇卒也。此毀車用，卒之始。

將戰，魏舒曰：彼徒我車，所遇又阨，以什共車。左傳注：十人以當一。



車戰雖古制在平原或資其利至于山林藪澤已非所宜況當險阨即荀吳舍車用徒誠能審地利以制勝後儒或以變古議之迂矣

車之必克困諸阨又克請皆卒自我始毀車以為行。其毀用車為五乘為三伍。趙氏恒曰車每乘三人五乘為十五步陳。今五人為伍三五亦一十五也此言用卒之法。荀吳之嬖人不肯即卒斬以徇為五陳以相離。左疏布陳使兩于前伍于後專為右角參為左角偏為前相遠也。趙氏恒曰司馬法五十乘為兩百二十乘為伍八十拒一乘為專二十九乘為參二十五乘為偏皆準車數多少以為名今雖用卒猶襲以誘之狄人笑之未陳而車乘之名也此言布陳之法以誘之狄人笑之未陳而薄之大敗之。

楚子麇卒公子比楚共奔晉圍自立。

楚公子圍將聘于鄭伍舉為介未出境聞楚子有疾而還伍舉遂聘圍至入問楚子疾縊而弑之。左傳注楚以瘡疾赴故不書殺其二子慕及平夏公子比奔晉葬楚子于郟。今河南汝

州郟縣。春秋。謂之郟敖。圍遂即位。易名熊虔。楚靈。後伐

吳。執齊慶封。徇于軍中曰。有若齊慶封弑其君者乎。慶

封曰。子一息。我亦且一言。曰。有若楚公子圍弑其兄之

子而代之為君者乎。軍人粲然皆笑。事在王七年。

辛酉 五年。晉使韓起聘于魯。

起聘魯。且告為政。代趙武為政。觀書于大史氏。見易象。上下經之

象。與魯春秋。用周公之法。書魯國之事。故曰魯春秋。曰。周禮盡在魯矣。吾

乃今知周公之德。與周之所以王也。

癸亥 七年。楚子蔡侯。陳侯。鄭伯。許男。徐子。滕子。頓子。胡子。今江

南潁州府阜陽縣有沈子。今河南汝寧府汝陽縣有小邾子。宋

世子佐。淮夷會于申。楚子專會諸侯始此。



楚子使椒舉

即伍舉

如晉求諸侯晉侯欲勿許司馬侯

即女

齊亦曰

言于晉侯

晉侯曰晉有三不殆國險而多馬齊楚多難何鄉而不濟對曰是三殆也

四嶽三塗陽城大室荆山中南九州之險也是不一姓

多難以固其國啓其疆土或無難以喪其國失其守宇

若何虞難四嶽代華衡恒三塗山名注具見前陽城

亦山名在河南府登封縣東北一曰馬嶺山大室即嵩

山在登封縣北其西爲少室荆山在湖北襄陽府南漳

縣西禹貢荆豫二州以此分界中南即終南山在西安

府長安縣南雍錄終南山橫亘關中南面西起秦隴東

徹藍田蓋八百餘里請許楚使乃許之諸侯如楚楚子合諸侯于

申椒舉曰臣聞諸侯無歸禮以爲歸今君始得諸侯其

慎禮矣楚子使問禮于宋向戌鄭公孫僑戌獻公合諸

侯之禮六

宋公爵故獻公合諸侯之禮

僑獻伯子男會公之禮六

鄭伯

爵故獻伯子男見公之禮

楚子使椒舉待于後以規過卒事不規問

其故對曰。禮吾未見者六焉。戊與僑所獻禮。楚皆未嘗行。又何以規

楚子。示諸侯侈。椒舉諫弗聽。公孫僑見向戌曰。吾不患

楚矣。汰而復諫。不過十年。戌曰。然。不十年侈。其惡不遠

惡遠而後棄。善亦如之。德遠而後興。是會楚執徐子。以吳出也。于是伐吳。

遂滅賴。遷之鄢。

鄭作邱賦。左傳注。邱十六井。當出馬一匹。牛三頭。今鄭于馬牛之外。別賦其田。

鄭公孫僑作邱賦。國人謗之。渾罕即游速。字子寬。子太叔子。以告僑。

曰。苟利社稷。死生以之。何恤于人言。吾不遷矣。渾罕退。

曰。國氏其先亡乎。君子作法于涼。薄也。其敝猶貪。作法于

貪。敝將若之何。後二年。僑鑄刑書。左傳注。鑄刑書于鼎。以為國之常法。晉

羊舌肸詒之書曰。吾子相鄭國。作封洫。事見前。立謗政。即謂



邱制參辟鑄刑書。參音三。謂用三代將以靖民。不亦難賦。之末法。以鑄刑書。乎。

甲子八年魯舍中軍。

左傳注。罷中軍。季孫稱左師。孟孫為右師。叔孫氏自以叔孫為軍名。

初作二軍。三分公室而各有其一。季氏盡征之。無所入于公。

叔孫氏臣其子弟。

以父兄歸公。

孟氏取其半焉。

復以子弟之半歸公。

及

其舍之也。四分公室。季氏擇二。二子各一。皆盡征之。而

貢于公。

楚子蔡侯陳侯許男頓子沈子徐人越人。

夏少康封庶子于會稽。以奉禹祀。周初受封為不成子。言不能成子也。至勾踐始大。築山陰城而都之。今浙江紹興府治是。

楚子以諸侯及東夷伐吳。遠射夫。楚大以師會于夏汭。

漢水

入江之處。即今漢口也。在湖北漢陽府漢陽縣東。

越大夫常壽過會楚子子瑱。

春秋彙纂注。瑣楚邑。在江南壽州霍邱縣東。霍邱今屬潁州府。聞吳師出。遠啟疆。

楚太宰

帥師從之。還不設備。吳人敗諸鵲岸。

今江南池州府銅陵縣有鵲頭山沿

江而下。有鵲尾洲。故遠射之師。先入南懷。楚師從之。及

汝清。

春秋彙纂注。南懷。汝清。皆楚界。在今江淮間。

吳不可入。遂還。

九年。齊侯伐北燕。

注見前。

初。北燕伯簡公名欵多嬖寵。欲去諸大夫而立其寵人。燕大

夫比諸大夫相比以殺諸外嬖。北燕伯懼。奔齊。

事在王六年。

至是

齊侯請于晉伐北燕。將納伯。晏嬰曰。不入。燕有君矣。民

不貳。吾君賄。左右諂諛。作大事不以信。未可也。明年。燕

及齊平。齊侯取賂而還。後高偃以師納之于陽。

左傳作唐。燕別

邑。今直隸保定府唐縣有故城。即春秋陽也。事在王十五年。



丙寅十年夏四月甲辰朔日有食之。

衛侯惡卒。

衛襄公卒。

夫人姜氏無子嬖人嬖始生子孟縶及元縶足不良弱行。孔圉乃立元是為靈公。孔圉諡

文子。孔達五世孫。

告喪于王。王使成子。

簡公。

如衛弔且追命襄

公曰叔父陟恪在先王之左右以佐事上帝余敢忘高

圉亞圉。

周之祖系見前左傳疏。二圉並為殷諸侯受殷王追命。

丁卯十有一年楚師滅陳。

初陳侯

哀公。

元妃鄭姬生太子偃師二妃生公子留。下

妃生公子勝留有寵屬諸司徒招與公子過。

招及過皆哀公弟。

陳侯有廢疾招與過殺偃師而立留。陳侯縊于徵師。

陳大夫。赴于楚且告立君。公子勝愬之于楚楚殺于徵師留



奔鄭招歸罪于過而殺之于是楚公子棄疾帥師圍陳

遂滅陳執招放之于越殺孔魚招之黨以穿封戌為陳公

滅陳為縣使戌為縣公陳興嬖袁克殺馬毀玉以莖哀公晉侯問于史趙曰陳其遂

亡乎對曰未也陳顓頊之族也陳祖舜左氏以舜出虞

已詳前茲歲在鶉火是以卒滅顓頊以水德歲在鶉火

陳將如之今在析木之津箕斗之間有天漢故謂之析木之津猶將由之

由用也言將復用更興且陳氏得政于齊而後陳卒亡陳繼守將

在齊其兆既存矣後楚平即位陳遂復事具後











